






645



須溪先生校本唐王右丞集






須溪先生校本

王右丞集

四部叢刊集部



上海涵芬樓景印
 元刊本原書板匡
 高營造尺五寸一
 分寬三寸五分

彭翁先生校本

須溪先生校本唐王右丞集目錄

第一卷

白鸚鵡賦

登樓歌

夷門歌

雙黃鵠歌送別

新秦郡松樹歌

青雀歌

同前

盧象昇諸公賦共四首


終南山歌

送友人歸山歌二首

魚山神女祠迎神曲

送神曲

扶南曲歌詞五首



隴頭吟

老將行

燕支行

從軍行

桃源行

隴西行

早春行

洛陽女兒行

少年行

四首

皇甫岳爲眞讚

裴右丞寫眞讚

白龜過

黃雀癡

贈裴迪

榆林群歌

問寇校書雙溪

寄崇梵僧

宋進馬哀詞

第二卷

慶玄元像應制

蓬萊留春應制

上巳龍池春禊應制

望春池觀禊飲應制

幸山莊題石壁應制

登降聖觀應制

臨園亭賦詩應制

送朝集使歸應制

送不蒙歸江西應制

曲江侍宴應制

元夕燃燈應制

重陽上壽應制

賜史供奉宴應制

勤政樓侍宴應制

大同殿生玉芝

勅賜百官櫻桃

和前

賜宰臣歌應制

賜宰臣連珠詞應制

勅借岐王九成宮避暑應教

從岐王夜宴衛家山池應教

從岐王夜宴衛家山池應教

和尹諫議史館山池

和陳監思從第

和晉公扈從溫陽

和宋中丞

和賈舍人早朝

瓜園詩

同崔傅荅賢第

同崔貞外秋霄寓直

十五夜游有懷

沈拾遺新生竹

不果遊東山別業

和使君均遠思歸

和常主簿溫湯寓目

和楊駙馬秋夜即事

誦諸公見過

誦蘇貞外過藍田

誦楊貞外宿琴臺

贈苑舍人

苑咸荅 并序

重誦苑郎中 并序

誦郭給事

誦嚴徐見過不過

慕容承携素饌見過 酬慕容上

酬張少府 喜祖三至留宿

祖詠荅 酬黎居士浙川作

酬賀四贈葛巾 酬故人張諶

荅張五弟 裴迪憶終南絕句

荅裴迪

第三卷

奉寄常太守 林園即事

寄河上段十六舍 寄荊州張丞相

山中寄諸弟妹 戲贈裴迪

宥罪拜官書意 贈從弟絳

贈薛璩慕容損 贈李頎

贈劉藍田 贈房廬氏瑄

贈祖三詠 朝川閑居贈裴迪

春夜竹亭 錢起酬

贈東岳焦鍊師 贈常穆十八

戲贈張五弟諶 三首

贈裴旻將軍

贈焦道士

贈吳官

對雪憶胡居士水

至滑州憶丁三

秋夜獨坐懷內弟

雪中憶李揖

胡居士卧病遺米

贈裴十迪

酌酒與裴迪

與胡居士

九日憶山東兄弟

華岳

藍田山石門精舍

山居秋暝

青溪

崔濮陽前山興

終南別業

皇甫岳雲溪雜題 五評

第四卷

朝川集序

孟城坳

華子崗

文杏館

斤竹嶺

鹿柴

木蘭柴

茱萸泝

宮槐陌

臨湖亭

南垞

歌湖

柳浪

樂家瀨

金屑泉

白石灘

北垞

竹里館

辛夷塢

漆園

椒園

已上與裴迪各賦一首

歸嵩山作

歸朝川作

投師蘭若宿

常給事山居

朝川別業

山中示年

戲題朝川別業

李處士山居

常侍郎山居

山居即事

早秋山中作

戲題盤石

終南山

田園樂六言 七首

田家

丁寓田家有贈

朝川閑居

積雨朝川莊作

春園即事

渭川田家

春中田園作

淇上即事田園

過盧倉外宅

過李揖宅

過崔處士林亭

盧象諸公同賦 三首

崔興宗荅

濟州過趙叟家讌

與盧象集朱家

過福禪師蘭若

飯覆釜山僧

謁璿上人 并序

曇壁上人兄院集 并序

王綰諸公同賦 二首

秋夜對雨

晚春諸公見過

過嵩丘蘭若

過夔興上人山院

裴迪賦

夏日過青龍寺

裴迪賦

鄭果州相遇

訪呂逸人不遇

裴迪賦

春過賀負外藥園

過香積寺

過崔駙馬山池

嚴尹宿弊廬訪別

第五卷

送李太守任

送秘書晁監

送徐郎中

送李判官赴江東

送康太守

送陸真外

送封太守

送王尊師歸蜀

送崔五太守

送宇文太守

送嚴秀才還蜀

送李睢陽

送張判官赴河西

送岐州源長史歸

送綦母校書

送張道士歸山

送元二使安西

送六舅歸陸渾

送方尊師歸嵩山

送瑗公

崔興宗賦

送錢少府還藍田

留別錢起

送立為往唐州

留別

送元中丞轉運江淮

送別

送張五歸山

齊州送祖三

送別

送崔九遊蜀

送熊九任安陽

送崔九

送縉雲苗太守

送李太守赴上洛

送從弟蕃遊湖南

送平淡然判官

送孫秀才

送常評事

送權二

送高道第耽

送劉司直赴安西

送別

靈雲池送從弟

送趙都督赴代州

臨高臺送黎拾遺

送方城常明府

送李真外賢郎

送梓州李使君

送楊少府貶郴州

送張五諶歸宣城

送友人南歸

送賀遂真外甥

送楊長史赴果州

送張舍人佐江州

送常大夫東京留守

送邢桂州

送宇文三赴河西

送別

資聖寺送甘二

送孫一

送崔三觀省

送沈子福江東

送丘為落第歸

留別温古上人足

觀別者

別弟縉

別輞川別業

又賦

別弟妹

別崔九弟

裴迪賦

留別崔興宗

別綦毋潛

新晴晚望

漢江臨汎

登辨覺寺

涼州郊外遊望

觀獵

遊感化寺

遊悟真寺

寒食城東即事

春日上方即事

遊常卿城南別業

冬日遊覽

汎前陂

遊李山人所居

遊方丈寺

登河北城樓

登裴迪小臺

第六卷

曉行巴峽

出塞

至黃牛嶺

被出濟州界

休假還舊業

早入榮陽界

寒食汜上

宿鄭州

千塔主人

使至塞上

渡河到清河

苦熱

納涼

濟上四賢詠 三首

偶然作 六首

西施詠

李陵詠

燕子龕禪師

息夫人

班婕妤 三首

晚春閑思

羽林騎閨人

戲題

冬夜書懷

秋夜獨坐

不遇詠

待儲光羲不至

聽宮鶯

聽百舌鳥

題雲母障

賦得清如玉壺冰

劇朝史褒

紅牡丹

左掖梨花

丘為皇甫冉同詠 二首
早朝 二首

口號誦示裴迪 二首

春日早朝

愚公谷 三首

寓言 二首

雜詩 五首

獻始興公

上張令公

崔興宗寫真

山茱萸

涼州賽神

哭殷遙 二首

哭孟浩然

哭褚司馬

哭沈居士

哭祖六自虛

嘆白髮 二首

過秦皇墓

徐公挽歌

杜太守挽歌 二首

夫人樊氏挽歌 二首

夫人寇氏挽歌

恭懿太子挽歌 五首

須溪先生校本唐王右丞集目錄終

須溪先生校本唐王右丞集卷第一

唐尚書右丞贈秘書監王維

白鸚鵡賦

若夫名依西域族本南海同朱喙之清音變綠衣於
素彩惟茲鳥之可貴諒其美之斯在尔其入翫於人
見珍竒質狎蘭房之妓女去桂林之雲日易喬枝以
羅袖代危巢以瓊室慕侶方遠依人永畢託言語而
雖通顧形影而非匹經過珠網出入金鋪單鳴無應

隻影長孤偶白鷗於池側對皓鶴於庭隅愁混色而
難辨願知名而自呼明心有識懷思無極芳樹絕想
雕梁撫翼時銜花而不言每投人以方息慧性孤寡
雅容非飾含火德之明輝被金方之正色至如海燕
呈瑞有玉陛之可依山鷄學舞向寶鏡而知歸皆羽
毛之偉麗奉日月之光輝豈憐茲鳥地遠形微色凌
純質彩奪繒衣深籠以閉喬木長遠儻見借其羽翼
與遷鶯而共飛

登樓歌

聊上君兮高樓飛薨鱗次兮在下俯十二兮通衢綠
槐參差兮車馬却瞻兮龍首前眺兮宜春王畿鬱兮
千里山河壯兮威秦舍人下兮青宮據胡床兮書空
執戟疲於下位老夫好隱兮牆東亦幸有張伯英草
腥兮龍騰蚪躍擺長雲兮挨廻風琥珀酒兮彫胡飯
君不御兮日將晚秋風兮吹衣夕鳥兮爭返孤砧發
兮東城林薄暮兮蟬聲遠時不可兮再得君何爲兮

偃蹇

夷門歌

七雄雄雌猶未分攻城殺將何紛紛秦兵益圍邯鄲
急魏王不救平原君公子為嬴得駟馬執轡逾恭意
愈下亥為屠肆鼓刀之嬴乃夷門抱關者非但慷慨
獻良謀意氣兼將身命酬向風劍頭送公子七十老
翁何所求

董評不可易

雙黃鵠歌送別

時為節度判官在涼府作

天路來兮雙黃鵠雲上飛兮水上宿撫翼和鳴整羽
族不得已忽分飛家在玉京朝紫微主人臨水送將
歸悲笳嘹唳垂舞衣賓欲散兮復相依幾往返兮極
浦尚徘徊兮落暉岸上火兮相迎將夜入兮邊城鞍
馬歸兮佳人散悵離憂兮獨含情

新秦郡松樹歌

青青山上松數里不見今更逢不見君心相憶此心
向君君應識為君顏色高且閑亭亭迥出浮雲間

青雀歌

青雀翅羽短未能遠食玉山禾猶勝黃雀爭上下唧唧空倉復若何

同

盧象

啾啾青雀兒飛來飛去仰天池逍遙飲啄安涯分何假扶搖九萬餘

同

王縉

林間青雀兒來往翩翩繞一枝莫言不解銜環報但

問君恩今若為

同

崔興宗

青扈繞青林翩翩陋體一微禽不應長在藩籬下他日凌雲誰見心

同

裴迪

動息自適性不曾妄與鸞雀羣幸忝駕鸞早相識何時提携致青雲

贈徐中書望終南山歌

晚下兮紫微。悵塵事兮多違。駐馬兮雙樹。望青山兮不歸。

送友人歸山歌 三首

山寂寂兮無人。又蒼蒼兮多木。群龍兮滿朝。君何為兮空谷。文寡和兮思深。道難知兮行獨。悅石上兮流泉。與松間兮草屋。入雲中兮卷鷄。上山頭兮抱犢。神與棗兮如瓜。虎賣杏兮收穀。愧不才兮妨賢。嫌既老兮貪祿。誓解印兮相從。何營異兮何卜。不用楚調自適目

前詞少而愈多尚竟盤谷歌意為九

山中人兮欲歸。雲宜兮雨霏霏。點景狀意水驚波兮翠管靡白鷺。忽兮翻飛。君不可兮寒衣。山万重兮一雲混。天地兮不分。樹暝暖兮氛氲。猿不見兮空聞。忽山西兮夕陽。見東華兮遠村。平蕪綠兮千里。眇悵兮思君。宋玉之下淵明之上甚似晉人不知者以為氣短知者以為氣操之餘音也

魚山神女祠歌 二首

迎神曲

坎坎擊鼓魚山之下吹洞簫望極浦女巫巫進紛屢舞
陳瑤席湛清醕風淒淒兮夜雨神之來兮不來使我
心兮苦復苦

送神曲

紛進拜兮堂前日眷眷兮瓊筵來不語兮意不傳作
暮雨兮愁空山悲急管思繁絃靈之駕兮儼欲旋悽
雲收兮雨歇山青青兮水泚泚

扶南曲歌詞 五音

翠羽流蘇帳春眠曙不開羞從面色起嬌逐語聲來
早向昭陽殿君王中使催

堂上青絃動堂前綺席陳齊歌盧女曲雙舞洛陽人
傾國徒相看寧知心所親用得別

香氣傳空滿粧華影箔通歌聞天仗外舞出御樓中
日暮歸何處花間長樂宮

宮女還金屋將眠復畏明入春輕衣好半夜薄妝成
拂曙朝前殿玉墀多珮聲

朝日照綺窓。佳人坐臨鏡。散黛恨猶輕。插釵嫌未正。
同心勿遽遊。幸待春粧竟。

隴頭吟

長城少季遊。俠客夜上戍樓看。大白隴頭。明月迫臨。
關隴上。行人夜吹笛。關西老將不勝愁。駐馬聽之。雙
淚流。身經大小百餘戰。麾下偏裨万户侯。蘇武終為
典屬國。節旄空盡。

一作

海西頭

次第轉摺恨婉何服
又非長篇所及

老將行

少季十五二十時。步行奪取胡馬騎。射殺山中白額
虎。肯數鄴下黃鬚兒。一身轉戰三千里。一劔曾當百
萬師。漢兵奮迅如霹靂。虜騎崩騰畏蒺藜。衛青不敗
由天幸。李廣無功緣數奇。自從棄置便衰朽。世事蹉
跎成白首。昔時飛箭無全目。今日垂楊生左肘。路傍
時賣故侯瓜。門前老種先生柳。茫茫古木連窮巷。遼
落寒山對虛牖。益出誓令踈勒出飛泉。不似潁川空
使酒。賀蘭山下陣如雲。羽檄交馳日夕聞。節使山河

募年少詔書五道出將軍試披鐵衣如雪色聊持宝
劔動星文願得燕弓射天將耻令越馬鳴吳軍莫嫌
舊日雲中守猶堪一戰立功勳

起結嬌嫩
復勝老語

燕支行

漢家天將才且雄來時謁帝明光宮萬乘親推雙闕
下千官出餞五陵東誓解甲第金門裏身作長城玉
塞中衛霍繼堪一騎將朝廷不數貳師功趙魏燕韓
多勁卒關西俠少何咆嘯報讎只是聞嘗膽飲酒不

曾妨刮骨盡戰雕戈白日寒連旗大旆黃塵沒鼙鼓
遙翻瀚海波鳴砧亂動天山月麒麟錦帶佩吳鉤颯
踏青驪躍紫駟拔劔已斷天驕臂歸鞍共飲月支頭
漢兵大呼一當百虜騎相看哭且愁教戰須令赴湯
火終知上將先伐謀

從軍行

吹角動行人喧喧行人起笳悲馬嘶亂爭渡金河水
日暮沙漠垂戰聲烟塵裏及係名王頸歸來報天子

桃源行

時年十九

魚舟逐水愛山春，兩岸桃花夾去津。
坐看紅樹不知遠，行盡青溪不見人。
山口潛行始隈隩，山開曠望旋平陸。
遙看一廬攢雲樹，近入千家散花竹。
樵客初傳漢姓名，居人未改秦衣服。
居人共住武陵源，還從物外起田園。
月明松下房櫺靜，日出雲中雞犬喧。
驚聞俗客爭來集，競引還家問都邑。
平明閭巷掃花開，薄暮漁樵乘水入。
初因避地去人間，更問成仙遂不還。

峽裏誰知有人事，世上遙望空雲山。
不疑靈境難聞見，塵心未盡思鄉縣。
出洞無論隔山水，辭家終擬長游衍。
自謂經過舊不迷，安知峯壑今來變。
當時只記入山深，青溪幾度到雲林。
春來遍是桃花水，不辨仙源何處尋。

隴西行

十里一走馬，五里一揚鞭。
都護軍書至，匈奴圍酒泉。
關山正飛雪，烽火斷無烟。

早春行

紫梅發初遍黃鳥歌猶澁誰家折楊女弄春如不及
愛水看粧坐羞人映花立香畏風吹散衣愁露霑濕
玉闈青門裏日落香車入游衍益相思含啼向綵帷
憶君長入夢歸晚更生疑不及紅簷鷺雙栖綠草時

洛陽女兒行

時年十八

洛陽女兒對門居纔可顏容十五餘良人玉勒乘驄
馬侍女金盤膾鯉魚畫閣朱樓及相望紅桃綠柳垂

簷向羅帷送上七香車宝扇迎歸九華帳狂夫富貴
在青春意氣驕奢劇季倫自憐碧玉親教舞不惜珊瑚
持與人春窻曙滅九微火九微片片飛花璪戲罷
曾無理曲時粧成祇是薰香坐城中相識盡繁華日
夜經過趙李家誰憐越女顏如玉貧賤江頭自浣沙

少季行

四首

新豐美酒斗十千咸陽遊俠多少季相逢意氣爲君
飲繫馬高樓垂柳邊

出身仕漢羽林郎初隨驃騎戰漁陽孰知不向邊庭
苦縱死猶聞俠骨香好

一身能擎兩尉弧虜騎千重只似無偏坐金鞍調白
羽紛紛射殺五單于

漢家君臣歡宴終高議雲臺論戰功天子臨軒賜侯
印將軍佩出光明宮

皇甫岳寫真讚

有道者古其神則清麤眸朗暢四氣和平長江月影

大華松聲周而不器獨也難名且未婚嫁猶寄簪纓
燒丹藥就辟穀將成雲漢之下法本無生

裴右丞寫真讚

澹爾清德居然素風氣和容歛心靜如空智以窮理
才包至公大盜振駭羣臣困蒙忘身徇節歷險能通
仁者之勇義無失忠疑情取像惟雅則同粉繪不及
清明在躬麟閣之上其誰比崇

白龜過

雜言走筆

南山之瀑水兮激石瀉瀑似雷驚人相對兮不聞語
聲翻渦跳沫兮蒼苔濕蘚甚且厚春草爲之不生獸
不敢驚動鳥不敢飛鳴白鼉渦濤戲瀨兮委身以縱
橫主人之仁兮不網不釣得遂性以生成

黃雀癡

黃雀癡黃雀癡謂言青鵲是我兒一一口銜食養得
成毛衣到大啣啾解游颺各自東西南北飛薄暮空
巢 羈雌獨自歸鳳凰九鷄亦如此慎莫愁思顯賴

損容輝

贈裴迪

雜言

不相見不相見來久日日泉水頭常憶同携手攜手
本同心復歎忽分襟相憶今如此相思深不深

榆林群歌

山頭松柏林山下泉聲傷客心千里万里春草色黃
河東流流不息黃龍戍上游俠兒愁逢漢使不相識

問寇校書双溪

君家少室西爲復少室東別來幾日今春風新買雙
溪定何似餘生欲寄白雲中

寄崇梵僧

崇梵僧崇梵僧秋歸覆金春不還落花啼鳥紛紛亂
澗戶山窻寂寂閑峽裏誰知有人事郡中遙望雲山

宋進馬哀詞

井序

宋進馬者中書舍人宋公之子也公無弟兄子一而
已文則有種德亦惟肖忽疾倏逝醫不及視宋公哀

之他人悲之故爲詞曰

背春涉夏兮衆木藹以繁陰連金華與玉堂兮宮閣
鬱其沈沈百官並入兮何語笑之啞啞君獨靜嘿以
傷心草王言兮不得離我悲減思兮少時僕夫命駕
兮出閭闔歷遠陌上人兮如故識不識兮往來眼中
不見兮吾兒驂紫駟兮從青驪低光垂彩兮恍不知
其所之闕朱戶兮望華軒意斯子兮候門忽思瘞兮
城南心瞽亂兮重昏仰訴天之不仁兮家唯一身身

止一子何胤嗣之不繁就單跣而又死將清白兮遺
誰問詩礼兮已矣哀從中兮不可勝豈暇料餘年兮
復幾日黯黯兮頽暉鳥翩翩兮疾飛邈窮天兮不返
疑有日兮來歸靜言思兮永絕復驚叫兮沾衣客有
乎之者曰觀未始兮有物同委蛻兮胡悲且延陵兮
未至况西河兮不知學無生兮庶可幸能聽於吾師
須溪先生校本唐王右丞集卷第一

須溪先生校本唐右丞王維集卷第二

唐尚書右丞贈秘書監王維

奉和 聖製慶玄元皇帝王像之作應制

明君夢帝先寶命上齊天秦后徒聞樂周王耻卜年
玉京移大像金籙會羣仙承露調天供臨空敞御筵
斗廻迎壽酒山近起爐煙願奉無爲化齊心學自然

奉和 聖製從蓬萊向興慶閣道中留春兩

中春望之作應制

渭水自縈秦塞曲黃山舊遶漢宮斜鑿輿迫出仙門
柳閣道迴看上苑花雲裏帝城雙鳳闕雨中春樹萬
人家爲乘陽氣行時令不是宸遊重物華

奉和

聖製與太子諸王三月三日龍池春

楔應制

故事修春楔新宮展豫遊明君移鳳輦太子出龍樓
賦掩陳王作益如洛水流金人來捧劔畫鷁去廻舟
苑樹浮宮闕天池照冕旒宸章在雲漢垂象滿皇州

奉和 聖製上巳於望春亭觀楔飲應制

長樂青門外宜春小苑東樓開万户上輦過百花中
畫鷁移仙妓金貂列上公清歌邀日落妙舞向春風
渭水明秦甸黃山入漢宮君王來後楔灞滻亦朝宗

奉和 聖製幸玉宵公主山莊因題石壁十

韻之作應制

碧落風煙外瑤臺道路賒如何連帝苑好語別自有仙家
北地迴靈駕綠溪轉翠華洞中開日月牕裏發雲霞

庭養冲天鶴，溪留上漢查。
種田生白玉，汲竈化丹砂。
谷靜泉逾響，山深日易斜。
御羹和石髓，香飯進胡麻。
大道今無外，長生詎有涯。
還瞻九霄上，來往五雲車。

奉和

聖製登降聖觀與宰臣等同望應制

鳳宸朝碧落，龍圖耀金鏡。
維岳降二臣，戴天臨萬姓。
山川八校滿，井邑三農竟。
比屋皆可封，誰家不相慶。
林疎遠村出，野曠寒山靜。
帝城雲裏深，渭水天邊映。
喜氣含風景，頌聲溢歌詠。
端拱能任賢，彰聖君聖

奉和 聖製御春明樓臨右相園亭賦樂賢

詩應制

複道通長樂，青門臨上路。
遙聞鳳吹喧，闇識龍輿度。
袞旒明四目，伏檻紆三顧。
小苑接侯家，飛甍映宮樹。
商山原上碧，滻水林端素。
銀漢下天章，瓊筵承湛露。
將非富氏寵，信以平戎故。
從來簡帝心，詎得廻天步。

奉和

聖製暮春送朝集使歸郡應制

萬國仰宗周，衣冠拜冕旒。
玉乘迎大客，金節送諸侯。

祖席傾三省，褰帷向九州。
揚花飛上路，槐色蔭通溝。
來預鈞天樂，歸分漢主憂。
宸章類河漢，垂象滿中州。

奉和 聖製送不蒙都護兼鴻臚卿歸安西應制

上卿增命服，都護揚歸旆。
雜虜盡朝周，諸胡皆自郤。
鳴笳濟海曲，按節陽關外。
落日下河源，寒山靜秋塞。
万方氛祲息，六合乾坤大。
無戰是天心，天心同覆載。

三月三日曲江侍宴應制

萬乘親齊祭，千官喜豫遊。
奉迎從上苑，禘禘向中流。

草樹連容衛，山河對冕旒。
旄盡旗搖浦，淑春服滿汀洲。
仙樂龍媒下，神輦鳳蹕留。
從今億萬歲，天寶紀春秋。

奉和 聖製十五夜燃燈繼以酺宴應制

上路笙歌滿，春城漏刻長。
遊人多畫日，明月讓燈光。
魚鱗通翔鳳，龍輿出建章。
九衢陳廣樂，百福透名香。
仙妓來金殿，都人遶玉堂。
定應偷妙舞，從此奉新粧。
奉引迎三事，司儀列万方。
願將天地壽，同以獻君王。

四武大奉別 聖製重陽節宰臣及群官上壽應制

四海方無事三秋大有年百生逢此日万壽頌齊天
方察和金字紫萸插玳筵玉堂開右个天樂動宮懸
御柳疎秋景城鴉拂曙煙無窮菊花節長奉栢梁篇
奉和 聖製賜史供奉曲江宴應制

侍從有鄒枚瓊筵就水開言陪栢梁宴新下建章來
對酒山河滿移舟草樹迴天文同麗日駐景惜行盃

三月三日勤政樓侍宴應制

綵仗連宵合瓊樓拂曙通年光三月裏宮殿百花中

不數秦王日誰將洛水同酒筵嫌落絮舞袖怯春風
天保無爲德人歡不戰功仍臨九衢宴更達四關聰

大同殿生玉芝龍池上有慶雲百官共觀

聖恩使賜宴樂敢書郎事

欲笑周文歌宴鑄造輕漢武樂橫汾豈如玉殿生三
秀詎有銅池出五雲陌上堯樽傾北斗樓前舜樂動
南薰共歡天意同人意萬歲千秋奉聖君

勅贈百官櫻桃

時爲文部郎中

芙蓉闕下會千官紫禁朱櫻出上蘭總是寢園春
後非關御苑馬銜殘歸鞍競帶青絲籠中使頻傾赤
玉盤飽食不須愁內熱大官還有幾叢寒

和

右補闕崔興宗

未央朝謁正逶迤天上櫻桃錫此時朱實初傳九華
殿繁枝舊雜萬年枝未勝晏子江南橘莫比潘家大
谷梨聞道分人好顏色神農本草自應知

奉和 聖製天長節賜宰臣歌應制

大陽外兮照萬方開曆闔兮臨玉堂儼冕旒兮垂衣
裳金天淨兮麗三光彤庭曙兮延八袞德合天兮禮
神遍靈芝生兮慶雲見唐堯后兮稷卨日匝宇宙兮
華胥人盡九服兮皆四鄰乾降瑞兮坤獻珍

奉和 聖製聖札賜宰臣連珠詞五首應制

時為庫部員外

日聞大明馭萬天地同符間氣佐時君日協德故千
年聖主唐帝撫其實圖七德諸侯周公為之元老

日聞有其才者効其職重其任者竭其能故樂播大
風乃能調四氣身騎列宿於是運三光

日聞先天不遠德合於上事君盡力功濟於下故君
日同體於大道愛人以康億兆宅心於至仁萬邦固
日聞形之端者衆必隨雪聲之善者響必應焉故偃
武修文皇天降之善氣薄賦省役后土報以豐年
日聞宣至理者文懸於日月表聖言者字動之以煙
雲故履舜作歌徒施於典崇伏羲畫卦未類於昭回

勅借岐王九成宮避暑應教

帝子遠辭丹鳳闕天書遙借翠微宮隔窺雲霧生衣
上卷幔山泉入鏡中林下水聲喧語笑巖間樹色隱
房櫳仙家未必能勝此何事吹笙向碧空

從岐王過楊氏別業應教

楊子談經所淮王載酒過興闌啼鳥換坐久落花多
逕轉迴銀燭林開散玉珂嚴城時未啓前路擁笙歌

從岐王夜讌衛家山池應教

座客香貂滿宮娃綺幔張澗花輕粉色山月少燈光
積翠紗窻暗飛泉繡戶涼還將歌舞出歸路莫愁長

和尹諫議史館山池

雲館接天居霓裳侍玉除春池百子外芳樹萬年餘
洞有仙人籙山藏大史書君恩深漢帝且莫上空虛

和陳監四郎秋雨中思從弟掾

嫋嫋秋風動淒淒煙雨繁聲連鵙鵲觀色暗鳳凰原
細柳踈高閣輕槐落洞門九衢行欲斷萬井寂無喧

忽有愁霖唱更陳多露言平原思令弟康樂謝賢昆
逸興方三接衰顏強七奔相如今老病歸守茂陵園

和僕射晉公扈從溫湯

時為右補闕

天子幸新豐旌旗渭水東寒山天仗裏溫谷幔城中
奠玉羣仙坐焚香大一宮出遊逢牧馬罷獵有非雄
上宰無為化明時太古同靈芝三秀紫陳粟萬箱紅
王禮尊儒教天兵小戰功謀猷歸哲匠詞賦屬文宗
司諫方無闕陳詩且未工長吟吉甫頌朝夕仰清風

和宋中丞夏日遊福賢觀天長寺

即陳丞相所施之作

已相教王國空餘尚父溪釣磯開月殿築道出雲梯
積水浮香象深山鳴白鷄虛空陳妓樂衣服製虹霓
墨點三千界丹飛六一泥桃源勿遽返再訪恐君迷

和賈舍人早朝大明宮之作

絳幘雞人送曉籌尚衣方進翠雲裘九天閶闔開宮
殿萬國衣冠拜冕旒日色綏臨仙掌動香煙欲傍袞
龍浮朝罷須裁五色詔珮聲歸向鳳池頭

瓜園詩 并序

維瓜園高齋俯視南山飛勝二三時輩同賦是詩兼
命詞英數公同用園字為韵住多少時大子司議郎
薛璩發此題遂同諸公云

余適欲鋤瓜倚鋤聽四門鳴騶尊驄馬常從夾朱軒
窮巷正傳呼故人儻相存攜手追涼風放心望乾坤
藹藹帝王州宮觀一何繁林端出綺道殿頂搖華幡
素懷在青山若值白雲屯迴風城西雨返景原上村

前酌盈樽酒往往間清言黃鸝轉深木朱槿照中園
猶羨松下客石上聞清猿

同崔傳哲賢第

洛陽才子姑蘇客杜宛殊非故鄉陌九江楓樹幾回
青一片揚州五湖白揚州時有下江兵蘭陵鎮前吹
笛聲夜火人歸富春郭秋風鶴唳石頭城周郎陸弟
爲儔侶對舞前溪歌白紵曲札書留小史家草堂暮
賭山陰豎衣冠若話外臺首先數夫君席上珍更聞

臺閣求三語遙想風流第一人

同崔貞外秋宵寓直

建禮高秋夜承明候曉過九門寒漏徹萬井曙鐘多
月迴嚴珠斗雲消出絳河更歎衰朽質南陌共鳴珂
同比部楊貞外十五夜遊有懷靜者李雜言
承明少休沐建禮省文書夜漏行人息歸鞍落日餘
懸知三五夕萬戶千門闌夜出曙翻歸傾城滿南陌
陌頭馳騁蓋繁華王孫公子五侯家由來月明如白

日共道春燈勝百花聊省侍中千餘騎強識少婦七
香重香車寶馬共喧闐箇裏多情俠少爭競向長楊
柳市北肯過精舍竹林前獨有仙郎心寂寞却將冥
坐為行樂儻覓忘懷共往來幸露同舍甘藜藿

沈十四拾遺新竹生讀經處同諸公之作

閑居日清靜脩竹自檀藥嫩節留餘籜新叢出舊闌
細枝風響亂疎影月光寒樂府裁龍笛漁家伐釣竿
何如道門裏青翠拂仙壇

同盧拾遺韋給事東山別業二十韵給事首

春休沐維已陪遊及乎是行亦預聞命會無

車馬不果斯諾

託身侍雲陛昧早趨華軒遂陪鸚鴻侶霄漢同飛翻
君子垂惠顧期我於田園側聞景龍際親降南面尊
萬乘駐山外順風祈一言高陽多變龍荆山積瓊璫
盛德啓前烈大賢鍾後昆侍郎文昌宮給事東掖垣
謁帝俱來下冠蓋盈立樊闈風首邦族庭訓延鄉村

菜地包山河樹共竟川原巖端迴綺檻谷口開朱門
階下羣峯首雲中瀑水源鳴玉滿春山列筵先朝曠
會舞何岷踏擊鍾弥朝昏是時陽和節清晝猶未暄
藹藹樹色深嚶嚶鳥聲繁顧已負宿諾延頸慙芳菴
蹇步守窮巷高駕難攀援素是獨往客脫冠情弥敦
和使君五郎西樓望遠思歸

高樓望所思目極情未畢枕上見千里窓中窺萬室
悠悠長路人曖曖遠郊日惆悵極浦外迢遞孤烟出

能賦屬上才思歸同下秩故鄉不可見雲水空如一

和太常常主簿五郎温湯寓目

漢主離宮接露臺秦川一半夕陽開青山盡是朱旗
繞碧澗翻從玉殿來新豐樹裏行人度小苑城邊獵
騎迴聞道甘泉能獻賦懸知獨有子雲才

奉和楊駙馬六郎秋夜郎事

高樓月似霜秋夜營金堂對坐彈盧女同看舞鳳凰
少兒多送酒小玉更焚香結束平陽騎明朝入建章

酬諸公見過

四言 時官出在輞川莊

嗟余末喪哀此孤生
屏居藍田薄地躬耕
歲晏輸稅以奉
采盛晨往東臯草露未晞
暮看煙火負擔來歸
我聞有客足掃荆扉
簞食伊何副瓜瓠棗
仰厠群賢皤然一老
媿無筦簞班荆席藁
汎汎登陂折彼荷花
淨觀素鮪俯映白沙
山鳥群飛日隱輕霞
登車上馬倏忽兩散
雀噪荒村雞鳴空館
還復幽獨重欷累歎
酬虞部蘇員外過藍田別業不見留之作

貧居依谷口喬木帶荒村
石路枉迴駕山家誰候門
漁舟膠凍浦獵火燒寒原
唯有白雲外踈鐘間皮宣

訓北部揚員外暮宿琴臺朝跡書閣率爾見
贈之作

樵簡拂塵看鳴琴
候月彈桃源迷漢姓
松樹有秦官空谷
歸人少青山背日寒
羨君棲隱處遙望白雲端
苑舍人能書梵字兼達梵音
皆曲盡其妙戲爲之贈

名儒待詔滿公車才子爲郎典石渠蓮花法藏心懸
悟貝葉經文手自書楚詞共許勝楊馬梵字何人辯
魯魚故舊相望在三事願君莫厭承明廬

苑咸荅

并序

王貞外兄以予嘗學夫竺書有戲題見贈然王兄當
代詩匠又精禪理枉採知音形於雅作輒走筆以訓
焉且久未遷因而朝及

蓮化梵字本從天華省仙郎早悟禪三點成伊猶有

想一觀如玄自忘筆爲文已變當時體入用還推閭
氣賢應同羅漢無名欲故作馮唐老歲季

重訓苑郎中

并序時爲庫部員外

須輒奉贈忽枉見訓叙末云且久不遷因而朝及詩
落句云應同羅漢無名欲故作馮唐老歲季亦解嘲
之類也

何幸含香奉至尊多慙未報主人恩草木豈能酬兩
露榮枯安敢問乾坤仙郎有意憐同舍丞相無私斷

掃門揚子解嘲徒自遣馮唐已老復何論

訓郭給事

洞門高閣霽餘輝桃李陰陰柳絮飛禁裏疎鐘官舍
晚省中啼鳥吏人稀晨搖玉珮趨金殿夕奉天書拜
瑣闥強欲從君無那老將困卧病解朝衣

訓嚴少尹徐舍人見過不遇

公門暇日少窮巷故人稀偶值乘藍轡非關避白衣
不知炊黍否誰解掃荆扉君但傾茶碗無妨騎馬歸

慕容承携素饌見過

紗帽烏皮几剛居懶賦詩門看五柳識年弄六身知
靈壽君王賜彫胡弟子炊空勞酒食饌特底解人頤

訓慕容上

行行西陌返駐櫺問車公挾轂双官騎應門五尺僮
老年如塞北強起離牆東為報壺丘子來人道姓蒙

訓張少府

晚年唯好靜万事不關心自顧無長策空知返舊林

松風吹解帶山月照彈琴君問窮通理漁歌入浦深

喜祖三至留宿

門前洛陽客下馬拂征衣不枉故人駕平生多掩扉
行人返深巷積雪帶餘暉早歲同袍者高車何處歸

答

祖詠

四季不相見相見復何為握手言未畢却令傷別離
升坐還駐馬酌醴便呼兒語嘿自相對安用傍人知

謝黎居士浙川作

曼壁上人院走筆成

儂家真箇去公定隨儂不着處是蓮花無心變楊柳
松龕戴窠裏石唇安茶臼氣味當共知那能不攜手

謝賀四贈葛巾之作

野巾傳惠好茲貺重兼金嘉此幽栖物能齊隱吏心
早朝方暫挂晚沐復來簪坐竟踰塵遠思君共入林
故人張諶工詩善易卜兼能丹青草隸頃以

詩見贈聊獲酬之

不逐城東遊俠兒隱囊紗帽坐彈碁蜀中夫子時開

卦洛下書生解詠詩
藥欄花迳衙門裏
時復據梧聊
隱几屏風誤點惑
孫郎團扇草書輕
內史故園高枕
度三春永日垂帷絕
四隣自想蔡邕今已
老更將書
籍與何人

荅張五弟

雜言

終南有茅屋前對終南山
終年無客長閉關
終日無心長自閑
不妨飲酒復垂釣
君但能來相往還
輞口遇雨憶終南山
因獻絕句 裴迪

積雨晦空曲
平沙滅浮彩
輞水去悠悠
南山復何在

荅裴迪

淼寒流廣蒼蒼
秋雨晦君問
終南山心知白雲外

須溪先生校本唐王右丞集卷第二

須溪先生校本唐王右丞集卷第三

唐尚書右丞贈秘書監王維

奉寄常大守步

荒城自蕭索萬里山河空
天高秋日迥嘹唳聞歸鴻
空塘映衰草高館落疎桐
臨此歲方晏顧景問悲翁
故人不可見寂寞平林東

林園即事寄舍弟統

寓目一蕭散消憂莫俄頃
青草雨澄波白雲移翠嶺

後浦通河渭前山包鄂郢松含風裏聲花對池中影
地多瘳后瘡人帶荊州癭徒思赤筆書詎有丹砂并
心非常欲絕髮亂不能整青篔日何長閉門晝方靜
顏思茅簷下弥傷好風景

寄河上段十六

與君相見即相親聞道君家在孟津爲見行舟試借
問客中時有洛陽人

容易尽情
舊未有此

寄荊州張丞相

所思竟何在悵望深荆門幸世無相識終身思舊恩
方將与農圃藝植老丘園目盡南飛鳥何由寄一言

山中寄諸弟妹

山中多法侶禪誦自爲群城郭遙相望唯應見白雲

聞裴秀才迪吟詩因戲贈

猿吟一何苦愁朝復悲夕莫作巫峽聲腸斷秋江客

既蒙宥罪旋復拜官伏感聖恩竊書鄙意兼

奉簡新除使君等諸公

忽蒙漢詔還冠冕始竟敷王解網羅日比星明猶自
暗俳天齊聖壽未云多花迎喜氣猶能笑鳥識歡心
亦解歌聞道百城新佩印還來双闕共鳴珂

贈從弟司庫員外紱

少季識事淺強李干名利徒聞躍馬年苦無出入智
即事豈徒言累官非不試既寒遂性歡恐招負時累
清冬見遠山積雪凝蒼翠皓然出東林發我遺世意
惠連素清賞夙語塵外事欲緩攜手期流年一何駛

座上走筆贈薛璩慕容損

希世無高符絕跡有卑棲君徒視人文吾固和天倪
緬然萬物始及與群物齊分地依右撥用天信重黎
春風何豫人令我思東溪草色有佳意花枝稍含萼
更待風景好與君聽蕙妻

贈李頎

聞君餌丹砂甚有好顏色不知從今去幾時生羽翼
王母翳華芝望尔崑崙側文螭從赤豹萬里方一息

悲哉世上人甘此臙腥食

贈劉藍田

籬中大犬吠出屋候柴薪歲晏輸井稅山林人夜歸
晚田始家食餘布成我衣詎肯無公事煩君問是非

贈房盧氏館

達人無不可忘已愛養生豈復小千室絃歌在兩楹
淨人日已歸但坐事農耕桑榆幾相望邑里多雞鳴
秋山一何淨蒼翠臨寒城視事兼偃卧對書不卷纓

蕭條人吏踈鳥雀下空庭鄙夫心所向晚節異平生
將從海岳居守靜解天刑或可累安邑茅茨君試營

贈祖三詠

濟州官舍作

蟪蛄挂虛牖蟋蟀鳴前除歲晏涼風至君子復何如
高館閨無人離居不可道閉門寂已閉落日照秋草
雖有近音信千里阻河關中復客汝潁去年歸舊山
結交二十載不得一日展負病子既深契闊余不淺
仲秋雖未歸暮秋以爲期良會誰幾日終自長相思

輞川閑居贈裴秀才迪

寒山轉蒼翠，秋水日潺湲。倚仗柴門外，臨風聽暮蟬。
渡頭餘落日，墟里上孤煙。復值接輿醉，狂歌五柳前。

類以無情之景述無情之意復非作者所有

春夜竹亭贈錢少府歸藍田

夜靜群動息，時聞隔林犬。却憶山中時，人家澗西遠。
羨君明發去，采巖輕軒冕。

謝前

錢起

山月隨客來，主人興不淺。今宵竹林下，誰覺花源遠。

惆悵曙鶯啼，孤雲還絕巘。甚不相紹

贈東岳焦練師

先生千歲餘，五岳遍曾居。遙識齊侯鼎，新過王母廬。
不能師孔墨，何事問長沮。玉管時來鳳，銅盤即釣魚。
竦身空裏語，明目夜中書。自有還丹術，時論大素初。
頻蒙露版詔，時降軟輪車。山靜泉逾響，松高枝轉疎。
支頤問樵客，世上復何如。

贈常穆十八

與君青眼客共有白雲心不向東山去日令春草深

淡淡有情

戲贈張五弟諱三首

吾弟東山時心尚一何遠田高猶自卧鍾動始能飯
不必其人直自輸領上髮未梳牀頭書不卷清川與悠悠空林
對偃蹇青苔石上淨細草松下軟窓外鳥聲閑階前
虎心善狡然萬像多濬尔大虛緬一知與物平自顧

為人淺對君忽自得浮念不煩遣

張第五車書讀書仍隱居染翰過草屣賦詩輕子虛
閉門二室下隱居十年餘宛是野人也時從漁父魚
秋風日蕭索五柳高且踈望此去人世渡水向吾廬
歲晏同攜手只應君與予

設置守兔免垂鈎伺游鱗此是安口腹泚關慕隱淪
吾生好清靜蔬食去情塵今子方豪蕩思為鼎食人
我家南山下動息自遺身入鳥不相亂見獸皆相親

雲霞成伴侶，虛白侍衣巾。何事須夫子，邀予谷口真。

贈裴旻將軍

腰間寶劍七星文，臂上瑠璃百戰勳。見說雲中擒黑虜，始知天上有將軍。

贈焦道士

海上遊三島，淮南預八公。坐知千里外，跳向一壺中。

身下清素可貴

縮地朝珠闕，行天使玉童。飲人聊割酒，送客

下分舂。

天老能行氣，吾師不養空。

有誤

謝君徒雀躍

無可問鴻濛，好

贈吳宮

長安客舍熱如蒸，無箇茗糜難御暑。空搖白團其諦苦，欲向縹囊還歸旅。江州鯖鮓不寄來，秦人湯餅那堪許。不如濃家任批達，草履蠅蠟富春渚。

冬晚對雪憶胡居士水

寒更傳曉碧清鏡，覽我頽隔牖。風驚竹開門，雪滿山洒空。深巷靜積素，廣庭閑惜問。表安舍儻然尚閉關。

至滑州隔河望黎陽憶丁三寓

隔河見桑柘藹藹黎陽川望望行漸遠孤峯沒雲煙
故人不可見河水復悠然賴有政聲遠時聞行路傳

秋夜獨坐懷內弟崔興宗

夜靜群動息蟋蟀聲悠悠庭槐北風響日夕方高秋
思子整羽翮及時當雲浮吾生將白首歲暮思滄洲
高足在旦暮肯爲南敏儔

雪中憶李揖

雜言

積雪滿阡陌故人不可期長安千門復萬戶何處躑
躑黃金羈

胡居士卧病遺米因贈

了觀四大因根性何所有妄計首不生是身孰休咎
色聲何謂客陰界復誰守徒言蓮花目豈惡楊枝肘
既飽香積飯不醉聲聞酒有無斷常見生滅幻夢受
即病即實相超空定狂走無有一法真無有一法垢
居士素通達隨宜善斗撒牀上無繩卧鍋中有粥否

齋時不乞食定應空嗽口聊持數斗米且救浮生取

贈裴十迪

風景日夕佳與君賦新詩潯然望遠空如意方支頤
春風動百草蘭蕙生我籬曖曖日暖閨田家來致詞
欣欣春還畢淡淡水生陂桃李雖未開黃萼滿其枝
請君理還策敢告將農時

酌酒與裴迪

酌酒與君君自寬人情翻覆似波瀾白首相知猶按

劍朱門先達笑鞵冠草色全經細雨濕花枝欲動春
風寒世事浮雲何足問不如高卧且加餐

與胡居士皆病寄此詩兼示學人

二首并序

一興微塵念橫有朝露身如是觀蔭界何方置我人
礙有固爲主趣空寧捨寘洗心詎懸解悟道正迷津
因愛果生病從貪始竟貧色聲非彼妄浮幻即吾真
四達竟何遣方殊安可塵胡生但高枕寂寞與誰憐
戰勝不謀食理齊甘負薪子若未始異詎論疎與親

淨空徒漫漫汎有定悠悠無乘及乘者所謂智人舟
詐捨貧病域不疲生死流無煩君喻馬任以我爲牛
植福祠迦葉求仁笑孔丘何津不鼓棹何路不摧軛
念此聞思者胡爲多阻脩空虛花聚散煩惱樹稀稠
滅想成無記生心坐有求降吳復歸蜀不到莫相尤
九月九日憶山東兄弟 明年十七
獨在異鄉爲異客每逢嘉節倍思親遙知兄弟登高
處遍插茱萸少一人

華岳

西岳出浮雲積翠在大清連天疑黛色百里遙青其
白日爲之寒森沈華陰城昔聞乾坤閉造化生巨靈
右足踏方止左手推削成天地忽開拆大河注東溟
遂爲西峙岳雄雄鎮秦京太君包覆載至德被群生
上帝佇昭告金天思奉迎人祗望幸又何獨禪云亭

藍田山石門精舍

落日山水好漾舟信歸風玩竒不覺遠因以緣源窮

送愛雲木秀初疑路不同安知清流轉偶與前山通
捨舟理輕策果然愜所適老僧四五人逍遙蔭松柏
朝梵林未曙夜禪山更寂道心及牧童世事問樵客
暝宿長林下焚香卧瑤席澗芳襲人衣山月映石壁
舟尋畏迷誤明發更登歷笑謝桃源人花紅復來覲

山居秋暝

空山新雨後天氣晚來秋明月松間照清泉石上流
竹喧歸浣女蓮動下漁舟隨意春芳歇王孫自可留

總無可點
自是好

青溪

言入黃花川每逐青溪水隨山將萬轉趣途無百里
聲喧亂石中色靜深松裏演漾汎菱荇澄澄映葭葦
我心素已閑清川澹如此請留盤石上垂釣將已矣

崔澗陽兄季重前山興

山西去亦對維門

秋色有佳興況君池上閑悠悠西林下自識門前山

又別又別
有道之言

千里橫黛色數峰出雲間
差我對秦國合沓

藏荆關殘雨斜日照夕嵐飛鳥還故人今尚爾歎息
此類類

終南別業

中歲頗好道晚家南山陲興來每獨往勝事空自知
行到水窮處坐看雲起時偶然值林叟談笑無還期

其質如此
故自難及

皇甫岳雲溪雜題 五首

鳥鳴磻

人閑桂花落夜靜春山空月出驚山鳥時鳴春澗中

蓮花塢

日日採蓮去洲長多暮歸弄篙莫潑水畏濕紅蓮衣

鸕鷀堰

乍向紅蓮沒復出青浦颺可雨獨立何雛挺啣魚舌查上

上平田

朝耕上平田暮耕上平田借問問津者寧知沮溺賢

語調
并高

萍池

春池深且廣會待輕舟迴靡靡綠萍合垂楊掃後開

每每靜意
得之偶然

須溪先生校本唐王右丞集卷第二

須溪先生校本唐王右丞集卷第四

唐尚書右丞贈秘書監王維

輞川集 并序

余別業在輞川山谷其遊止有孟城坳華子岡文杏
館斤竹嶺鹿柴素柴萸泐澶官槐陌臨湖亭南垞茶
歌湖柳浪欒家瀨金屑泉白石灘北垞竹里館辛夷
塢漆園椒園等與裴迪閑暇各賦絕句云爾

孟城坳

新家孟城口，古木餘衰柳。來者復為誰，空悲昔人有。
復欲內語如此，情
仰曠達不可得。

同前

裴迪 里翁

結廬古城下，時登古城上。古城非疇昔，今人自來往。

未為不佳
相去甚速

華子崗

飛鳥去不窮，連山復秋色。上下華子崗，惆悵情何極。

蕭然更
欲無言

同前

落日松風起，還家草露稀。雲光侵履跡，費山翠拂人衣。

文杏館

文杏裁為梁，香茅結為宇。不知棟裏雲，去作人間雨。

同前

迢迢文杏館，躋攀日已屢。南嶺與北湖，亦使前看復迴顧。

斤竹嶺

檀欒映空曲，青翠漾漣漪。暗入商山路，樵人不可知。

同前

明流紆且直綠篠密復深一逕通山路行歌均舊岑

鹿柴

空山不見人但聞人語響返景入深林復照青苔上

無言而有畫意

同前

日夕見寒山便為獨往客不知松林事但有麝麝跡

木蘭柴

秋山斂餘照飛鳥逐前侶彩翠時分明夕嵐無處所

猶是鹿柴之餘

同前

蒼蒼落日時鳥聲亂溪水綠溪路轉深幽興何時已

茱萸泝

結實紅且綠復如花更開山中儻留客置此茱萸杯在

同前

飄香亂椒桂布葉間檀藥雲日雖迴照森沉猶自寒

宮槐陌

灰逕蔭宮槐幽陰多綠苔
門但迎掃畏有山僧來

同前

門前宮槐陌是向歌湖道
好秋來山雨多落葉無人掃

臨湖亭

輕舸迎上客悠悠湖上來
當軒對樽酒四面芙蓉開

同前

當軒弥滉漾孤月正徘徊
谷口猿聲發簾傳入石來

南垞

輕舟南垞去北垞森難即
隔浦均弄人家遙遙不相識

同前

孤舟信風泊南垞湖水岸
落日下崦嵫清波珠森漫

歌湖

吹簫凌極浦日暮送夫君
湖上一迴看山青卷白雲

同前

空闊湖水廣青燄天色同
艤舟一長嘯四面來清風

柳浪

分行接綺樹，倒影入清漪。不學御溝上，春風傷別離。

同前

映池同一色，逐吹散如絲。結陰既得地，何謝陶家時。

藥家瀨

颯颯秋雨中，淺淺石溜瀉。跳波自相濺，白鷺驚復下。

同前

瀨聲喧極浦，汎汎向南津。汎汎鳧鷖渡，時時欲近人。

金屑泉

日飲金屑泉，少當千餘歲。翠鳳翔文螭，羽節朝玉帝。

同前

滌滄澹不流，金碧如可拾。迎晨含素華，獨徃事朝汲。

白石灘

清淺白石灘，綠蒲向堪把。家住水東西，浣紗明月下。

同前

跂石復臨水，弄波情未極。日下川上寒，浮雲澹秋色。

北垞

北垞湖水北離樹映朱欄逶迤南川水明滅青林端

同前

南上北垞下結宇臨歌湖每欲採樵去扁舟出蘋蒲

竹里館

獨坐幽篁裏彈琴復長嘯深林人不知明月來相照

同前

來過竹里館日與道相親出入惟山鳥幽深無世人

辛夷塢

木末芙蓉花山中發紅萼澗戶寂無人絲絲開且落

其意亦破不善一字漸可語神

同前

綠堤春草合王孫自留翫况有辛夷花色與芙蓉乱

漆園

古人非傲吏自闕經世務偶寄一微官婆娑數枝樹

使在謝東山葦口語皆成高韵

同前

好閑早成性果此諧宿諾今日添園遊還同莊叟樂

椒園

桂尊迎帝子杜若贈佳人椒漿奠瑤席欲下雲中身

首首
素淨

同前

丹刺胷人衣芳香留過客幸堪調鼎用願君垂採摘

壞
一
錫羹

歸嵩山作

清川帶長薄車馬去閑閑流水如有意暮禽相與還

荒城臨古渡落日滿秋山近迢遞嵩山下歸來且閉關

歸鞞川作

谷口疎鐘動漁樵稍欲稀悠然遠山暮獨向白雲歸

菱蔓弱難定楊花輕易飛東臯春草色惆悵掩柴扉

投
飾蘭若宿

一公栖大白高頂出雲煙梵流諸壑遍花雨一峯偏

迹爲無心隱名因立教傳鳥來還語法客去更安禪
書涉松路盡暮投蘭若邊洞房隱深竹清夜聞遙泉
向是雲霞裏今成枕席前豈唯暫留宿服事將窮年
常給事山居

幽尋得此地詎有一人曾大壑隨堦轉羣山入戶登
庖厨出深竹印綬隔垂藤即事辭軒冕誰云病未能

輞川別業

不到東山向一年歸來纔及種春田兩中草色綠堪

染水上桃花紅亦然優婁比丘經論學偃僕文人鄉
里賢披衣倒屣且相見相歡語笑衡門前

山中示弟等

山林吾喪我冠帶爾成人

別是二種莫學嵇康懶且安原靈

貧山陰多是戶泉水在東鄰緣合妾相有性空無所親
安知廣成子不是老夫身

戲題輞川別業

柳條拂地不須折松樹梢雲從更長藤花欲闇薺綠

子栢葉初齊養爵香

實景

李處士山居

君子盈天階小人耳自免方隨鍊金客城上家絕巘
背嶺花未開入雲樹深淺清晝猶自眠山鳥時一轉

常侍郎山居

幸忝君子頤遂階塵外蹤閑花滿巖谷瀑水映杉松
啼鳥忽臨澗歸雲時抱峰良遊盛簪紱繼跡多瓊龍
詎枉青門道故聞長樂鍾清晨去朝謁車一作馬何從

容

山居即事

寂寞掩柴扉蒼茫對落暉鶴巢松樹遍人訪蕪門稀
嫩竹含新粉紅蓮落故衣渡頭煙火起處處採菱歸

自是
維詩

早秋山中作

無才不敢累明時思向東溪守故籬一作豈豈歇尚平婚
嫁早却嫌陶令去官遲草間螢響臨秋急山裏蟬聲

薄暮悲寂，篋柴門人不到，空牀獨與白雲期。

戲題盤石

可憐盤石臨泉水，復有垂楊拂酒盃。若道春風不解意，何因吹送落花來。

終南山

太一近天都，連山到海隅。白雲迴望合，青謁入看無。分野中峰變，陰晴衆壑殊。欲投人處宿，隔水問樵夫。

田園樂七首

出入千門萬戶，經過北里南鄰。躑躅鳴珂有低崆峒，散髮何人。無一語可俗

再見封侯萬戶立，談賜璧一雙。詎勝耦耕南畝，何如高卧東窻。

採菱渡頭，風急策杖村西。日斜杏樹壇邊，漁父桃花源裏人家。急一作起

萋萋春草秋綠，落落長松夏寒。牛羊自歸村巷，童稚不識衣冠。

山下孤煙遠村天邊獨樹高原一瓢顏回陋巷五柳先生對門

桃紅復會宿雨柳綠更帶春煙花落家僮未掃鷓鴣啼山客猶眠

酌酒會臨泉水抱琴好倚長松南園露葵朝折東谷黃梁夜春

田家

舊穀行將盡良苗未可希老年方愛粥卒歲且無衣

雀乳青苔井雞鳴白板扉柴車駕羸犝草僑牧豕豨多雨紅榴折新秋綠芋肥餉田桑下慙旁舍草中歸住處名愚谷何煩問是非

豪抗本膏

丁寓田家有贈

君心尚棲隱久欲傍歸路在朝每爲言解印果成趣晨雞鳴鄰里群動從所務農夫行餉田閨婦起縫素開軒御衣服散帙理章句時吟招隱詩或製閑居賦新晴望郊郭日映桑榆暮陰盡

一作畫

小苑城微明渭

川樹揆予宅間井幽賞何由屢道存終不忘迹異難
相遇此時惜離別再來芳菲度

輞川閑居

一從歸白杜不復到青門時倚簷前樹遠看原上村
青菰臨水映白鳥向山翻寂寞於陵子桔槔方灌園

積雨輞川庄作

積雨空林煙火遲蒸蒸炊黍餉東菑漠漠水田飛白
鷺陰陰夏木轉黃鸝山中習靜觀朝槿松下清齋折

露葵野老與人爭席罷海鷗何處更相疑

春園即事

宿雨乘輕發春寒着弊袍開畦分白水間柳發紅桃
草際成基局林端舉桔槔上句更妙還持鹿皮机日暮隱
蓬蒿

渭州田家

斜光照墟落窮巷牛羊歸野老念牧童倚仗候荆扉
雉鳴麥苗秀蠶眠桑葉稀田夫荷鋤立一作至相見語

依依即此羨閑逸，悵然歌式微。

春中田園作

屋上春鳩鳴村邊杏花白好持斧伐遠楊，荷鋤覘泉

脉歸一作燕識故巢舊人看新曆臨觴忽不御，惆

悵遠行客卷升之後
得此吟調

淇上即事田園

屏居淇水上，東野曠無山。日隱昨日桑柘外，河明閭

井間。牧童望村去，田犬隨人還。靜者亦何事，荆扉乘

畫關

過盧負外宅看飯僧共題

三賢異七聖，青眼慕青蓮。乞飯從香積，裁衣學水田。

上人飛錫杖，檀越施金錢。趺坐簷前日，焚香竹下煙。

寒空法雲地，秋色淨居天。身逐因緣法，心過次第禪。

不須愁日暮，自有一燈燃。

過李揖宅

閉門秋草色，終日無車馬。客來深巷中，大吹寒林下。

散髮時未替道書行尚把與我同心人樂道安貧者
一罷宜城酌還歸洛陽社

與盧賁外象過崔處士興宗林亭

綠樹重陰蓋四鄰青苔自厚自無塵科頭箕踞長松

下白眼看他

一作君

世上人

謂白眼亦如鍾會於嵇康

同前

盧象

映竹時聞轉輶輻當處只見網蜘蛛主人非病常高
卧環堵蒙籠一老儒

同前

縉

身名不問十年餘老大誰能更讀書林中獨酌鄰家
酒門外時聞長者車

同前

裴迪

喬柯門裏自成陰散髮空_下中曾不著逍遙且喜從
吾事榮寵從來非我心

同前

崔興宗

窮巷空林常閉關悠悠_下獨卧與前山今朝忽枉嵇

生駕倒殘開門遙解頰

濟州過趙叟家宴

雖與人境接閉門成隱居道言莊叟事儒行魯人餘
深巷斜暉靜閉門高柳疎荷鋤修藥圃散帙曝農書
上客搖芳翰中厨饋野蔬夫君第高飲景晏出林閭

與盧象集朱家

主人能愛客終日有逢迎貫得新豐酒復聞秦女箏
柳條疎客舍槐葉下秋城語笑且爲樂吾將達此生

過福禪師蘭若

巖壑傳微遠雲林隱法堂羽人飛奏樂天女跪焚香
竹外峯偏曙藤陰水更涼欲知禪坐久行路長春芳

飯覆金山僧

晚知清淨理日與人羣疎將候遠山僧先期掃弊廬
果從雲峰裏願我逢高君藉草飯松屑焚香看道書
燃燈晝欲盡鳴磬夜方初一悟寂爲樂此生閑有餘
思歸何必深身世猶空虛

謁璿上人 并序

上人外人內天不定不亂捨法而淵泊無心而雲動
色空無得不物物也默語無際不言言也故吾徒得
神交焉玄閔大塔德海群泳時雨既降春物具美序
於詩者人百其言

少年不足言識道年已長事性安可悔餘生幸能養
誓從斷葷血不復嬰世網浮名寄纓佩空性無羈鞅
夙承大凜師焚香此瞻仰顏然居一室覆載紛萬象

高柳早鶯啼長廊春雨響淋下阮家屐窻前筇竹杖
方將見身雲陋彼示天壤一心在法要願以無盡

青龍寺曇壁上人凡院集 并序

吾兄大開蔭中一作徹物外以定力勝敵以惠用

解嚴深居僧坊傍俯人里高原陸地下映芙蓉之池
竹林果園中秀善提之樹八極氣靈萬彙塵息太虛
寥廓南山爲之端倪皇州蒼茫渭水貫於天地經行
之後趺坐而閑昇坐梵筵餌客香飯不起而遊覽不

夙而清涼得世界於蓮花記文章於貝葉

時寧江兌持
片名命維摩之

詩五韻坐上成

高處敞招提虛空詎有倪坐看南陌騎下聽秦城雞
渺渺孤煙起芊芊遠樹齊青山萬井外落日五陵西

甚壯事非
招提本邑

眼界今無染心空安可迷

同前

王縉

林中空寂舍階下終南山高卧一床上迴看六合間
浮雲幾處滅飛鳥何時還問義天人接無心世界閒

誰知大隱客兄弟自追攀好

同前

王昌齡

本來清淨所竹樹引幽陰蒼外含山翠人間出世心
圓通無有象睚境不能侵真是吾兄法何妨兄弟深
天香自然會靈異識鐘音

同前

裴迪

靈境信為絕法堂出塵氛自然成高致向不看淨雲
逶迤峯岫列參差閣井分林端遠堞見夙未疎鐘聞

吾師以禪寂在世超人群

黎拾遺所裝迪見過秋夜對雨之作

促織鳴已急輕衣行尚重
寒燈坐高館秋雨聞疎鐘
白法調狂象玄言問老龍
何人顧蓬逕空愧求羊蹤

晚春嚴少尹與諸公見過

松菊荒三逕圖書共五車
烹葵邀上客看竹到貧家
鶻乳先春草鸚啼過落花
自憐黃髮暮一信惜年華

過秉如禪師蕭居士嵩丘蘭若

無着天親弟與兄嵩丘蘭若一峯晴
食隨鳴磬菓鳥
下行踏空林落葉聲
迸水定侵香案濕
雨花應共石
床平深洞長松何所有
儼然天竺古先生

過感化寺曇興上人山院

暮持筇竹杖相待虎溪頭
催客聞山響歸房逐水流
野花叢發好谷鳥一聲幽
夜坐空村寂松風直似秋

畧不
用思

同前

裝迪

不遠灞陵邊安居向十年入門穿竹徑留客畎山泉
鳥嚙深林裏心閑落照前浮名竟何益從此願栖禪

夏日過青龍寺謁禪師

龍鐘一老翁徐步謁禪宮欲問義心義遙知空病空
山河天眼裏世界法身中莫怪銷炎熱能生大地風

同前

裴迪

安禪一室內左右竹亭幽有法知不染無言誰敢酬
鳥飛爭向夕蟬噪已先秋煩暑自茲退清涼何所求

鄭果州相過

斜日照殘春初晴草木新牀前磨鏡客林裏灌園人
五馬驚窮巷鬢童逐老身中厨辦菘飯當恐阮家貧

春日與裴迪過新昌里訪呂逸人不遇

桃源一向絕風塵柳市南頭訪隱淪到門不敢題凡
鳥看竹何須問主人城外青山如屋裏東家流水入
西鄰自在閉戶著書多歲月種松皆作老龍鱗

同前

裴迪

恨不逢君出荷蓑青松白屋更無他陶令五男曾不
有蔣生三逕任相過芙蓉曲沼春流滿薜荔成惟晚
霏多聞說桃源好迷客不如高枕一作卧庭柯

春過賀逢負外藥園

前年種籬外今作藥欄成香草爲君子名花是長卿
水穿盤石透藤繫古松生畫畏閑厨走來蒙倒屣迎
燕糝扒米飯藟醬露葵羹頗識灌園意於陵不自輕

過香積寺

不知香積寺數里入雲峯古木無人徑深山何處鐘
泉聲咽危石日色冷青松薄暮空潭曲安禪制毒龍

過崔駙馬山池

畫樓吹笛妓金碗酒家胡錦石稱貞女青松學大夫
脫貂黃桂酌射鴈與山厨聞道高陽會愚公谷正愚
河南嚴尹弟見宿弊廬訪別人賦十韻

上客能論道吾生學養蒙貧交世情外才子古人中
符上方簪一作象車邊已盡熊拂衣迎五馬垂手憑雙

童花醜一作醜和松骨茶香透竹叢薄霜澄夜月殘雪帶
春風古壁蒼苔黑寒山遠燒紅眼看東候別心事北
山同爲學輕先輩何能訪老翁欲知今日後不樂爲
車公

須溪先生校本王右丞集卷第四

須溪先生校本唐王右丞集卷第五

送魏郡李太守赴任

與君伯氏別又欲去君離君行無我日當復隔山波
蒼茫秦川日落桃林塞獨樹臨關門黃河向天外
前經洛陽陌宛路一作洛故人稀故人離別尽淇上轉驂
駢企予悲送遠惆悵睢陽路古木官渡平秋城艱官
故想君行縣日其出從如雲遙思魏公子復憶李將軍

送秘書晁監還日本國

積水不可極，安知滄海東。九州何處遠，万里若乘空。
向國唯看日，歸帆但信風。驚身映天黑，魚眼射波紅。
鄉樹扶桑外，主人孤島中。別離方異域，音信若爲通。

送徐郎中

東郊春草色，驅馬去悠悠。况復鄆山外，猿啼湘水流。
岳夷傳露版，江館候鳴驩。并服爲諸吏，珠官拜本州。
孤鶯吟遠墅，野杏發山郵。早晚方歸奏，南中絕忌秋。

送李判官赴江東

聞道皇華使，方隨皂蓋臣。封章通左語，冠冕化文身。
樹色分楊子，潮聲滿富春。遙知辨璧吏，恩到泣珠人。

送康太守

城下滄江水，江邊黃鶴樓。朱欄將粉蝶，江水映悠悠。
鏡吹發夏口，使君居土頭。郭門隱楓岸，候吏趨蘆洲。
何異臨川郡，還來一作康樂侯。

送陸員外

郎署有伊人，居然古風天。子願河北詔，書隸征東。

拜手辭上官緩步出南宮九河平原外七國薊門中
陰風悲枯桑古塞多飛蓬万里不見虜蕭條胡地空
無爲費中國更欲邀奇功遲々前相送握手嗟異同
行當封侯歸肯訪南山翁

送封太守

忽解羊頭削聊馳熊軾轡揚於發夏口按節向吳門
帆映丹揚郭楓攢赤岸村百城多候吏露冕一何尊
送王尊師歸蜀中拜婦

大羅天上神僊客濯錦江頭花柳春不爲碧雞稱使
者唯令白鶴報鄉人

送崔五大守

長安廐吏來到門朱文露網動行軒黃花縣西九折
坂玉樹宮南五丈原褒斜谷中不容憶唯有白雲當
露冕子午山裏杜鰲啼嘉陵水頭行客飯劔門忽斷
蜀川開萬井雙流滿眼來霧中遠樹刀州出天際澄
江巴字迴使君年幾三十餘少年白首專城若欲持

畫省郎官草廼與臨邛父老書

送宇文太守赴宣城

寥落雲外山迢遞舟中賞鏡水發西江秋空多清響
地迥古城蕪月明寒潮廣時養敵亭神復解苦師網
何處寄相思南風吹一作五兩

送嚴秀才還蜀

寧親爲令子似舅即賢甥別路經花縣還鄉入錦城
山臨青塞斷江向白雲平獻賦何時至明君憶長卿

送李睢陽

將置酒思悲翁使君去出城東凌漸漸雉子斑槐陰
陰到潼關騎連連車遲遲心中悲宋文遠周間之南
淮夷東齊兒碎碎織練與素絲遊人賈客信難持五
穀前熟方可爲下車閉閣君當思天子當殿儼衣裳
大官尚食陳羽觴無倫無義彤庭散綬垂明璫黃紙詔書
出東廂輕紈疊綺爛生光宗室子弟君最賢分憂當
爲百辟先布衣一言相爲死何況聖主恩如天鑾聲

噦噦曾扶旗明季上計朝言師須憶今日斗酒別慎
勿富貴忘我為

送張判官赴河西

單車出塞報國收邀勲見逐張狂虜今思霍冠軍
沙平連白雪蓬卷入黃雲慷慨倚長劍高歌一送君
握手一相送心悲安可論秋風正蕭索客散孟嘗門
故驛通槐里長亭下董原征西舊旌節從此向河源

送岐州源長史歸

同在崔常侍幕
時崔常侍已歿

送綦毋校書棄官還江東

明時久不達棄置与君同天命無怨色人生有素風
念君拂衣去四海將安窮秋天万里靜日暮澄江空
清夜何悠悠扣舷明月中和光漁鳥際澹尔兼葭叢
無庸客昭世衰鬢日如蓬頑踈暗人事僻陋遠天聰
微物縱可採其誰為至公今亦從此去歸耕為老農

送張道士歸山

先生何處去王屋訪茅君別婦留丹訣驅雞入白雲

人間若剩住言難天上復離群新意當作遼城鶴仙歌
使尔聞

送元二使安西

渭城朝雨裊輕塵客舍青青柳色春
勸君更盡一盃酒西出陽關無故人一作故人揚柳春

送六舅歸陸渾

伯舅吏淮泗卓魯方喟然悠哉自不競
退耕東臯田條桑臘月下種杏春風前
酌醴賦歸去共知陶令賢

送方尊師歸嵩山

仙宮欲往九龍潭旌節朱幡倚石龕
山壓天中半天上洞穿江底出江南
瀑布杉松常帶雨夕陽彩翠忽成嵐
借問迎來双白鶴已曾衡岳送蘇耽

同崔吳宗送瑗公

言從石園閣新下穆陵關獨向池陽去
白雲留故山綻衣秋日裏洗鉢古松間
一施傳心法唯將戒足還

同前

崔吳宗

行苦神亦秀冷然溪上松銅瓶与竹枝来自祝融峰
常願入靈岳載經訪遺蹤南歸見長老且爲說心曾

送錢少府還藍田

草色日向好桃源人去稀手持平子賦目送孝莱衣
每候山櫻發時同海鷺歸今年寒食酒應得返柴扉

留別錢起

卑棲却得性每与白雲歸徇祿仍懷橘看山免採薇
暮禽先去馬新月待開扉霄漢時回首知音青瑣闥

送丘為往唐州

宛洛有風塵君行多苦辛四愁連漢水百口寄隨人
槐色陰清昼楊花惹暮春朝端肯相送天子綉衣臣

留別丘為

歸鞍白雲外繚繞出前山今日又明日自知心不閑
親勞著組送欲趨薦花還一步一迴首遲遲向近關

送元中丞轉運江淮

薄稅歸天府輕徭賴使臣歡沾賜帛老恩及卷絹人

去問珠官俗來經石劫春東南高亭上莫使有風塵

送別

下馬飲君酒問君何所之君言不得意歸卧南山陲
但去莫復聞白雲無盡時

送張五歸山

送君盡惆悵復送何人歸
幾日同携手一朝先拂衣
東山有茅屋幸為歸荆
扉當亦謝官去豈令心事違

齊州送祖三

相逢方一笑相送還成泣
祖帳已傷離萊城復愁入
只是眼前道不尽者天寒遠山淨日暮長河急
解纜君已遙望君猶佇立

送別

送君南浦淚如絲君向東州使我悲
為報故人顛顛盡如今不似洛陽時

送崔九興宗遊蜀

送君從此去轉覺故人稀
徒御猶回首田園方掩扉

出門當旅食中路授寒衣江漢風流地遊人何處歸

送熊九赴任洛陽

魏國應劉氏寂寥文雅空漳河如舊日之子繼清風
阡陌銅臺下閭閻金虎中送車盈灞上輕騎出關東
相去千餘里西園明月同

送崔興宗

已恨規皆遠誰憐交復稀君王未西顧遊宦及東歸
塞關山河淨天長雲樹微方同菊花節相待洛陽飛

送縉雲苗太守

手疏謝名王腰章為長吏方從會稽即更發汝南騎
按節下松陽清江響鏡吹露冕見三吳方知百城貴

送李太守赴上洛

商山包楚鄧積翠藹沈沈驛路飛泉洒閨門落照深
野花開古戍行客響空林板屋春多雨山城晝欲陰
丹泉通號略白羽抵荆岑若見西山爽應知黃綺心

送從弟蕃遊淮南

讀書復騎射帶劍遊淮陰淮陰少季葦千里遠相尋
高義難自隱明時寧陸沈岳夷九州外泉館三山深
席帆聊問罪丹服盡成擒歸來見天子拜爵賜黃金
忽思鱸魚膾復有滄洲心天寒蒹葭渚日落雲夢林
江城下楓葉淮上聞秋砧送歸青門外車馬去駸駸
惆悵新豐樹空餘天際禽

送平淡然判官

不識陽關路新從定遠侯黃雲斷春色畫角起邊愁

瀚海經年別

作到

交河出塞流須令外國使知飲月支頭

送孫秀才

帝城風日好况復建平家玉枕雙文筆金盤五色瓜
山中無魯酒松下飯胡麻莫厭田家苦歸期遠復賒

送韋評事

欲逐將軍取右賢沙場走馬向居延遙知漢使蕭關
外愁見孤城落日邊

送權二

高人不可有清論，復何深。一見如舊識，一言知道心。
明時當薄宦，解薛去中林。芳草空隱處，白雲餘故岑。
韓侯久攜手，河岳共幽尋。悵別千餘里，臨堂鳴素琴。

送高道弟耽歸臨淮作

座上作

少年客淮泗，落拓居下邳。遨遊向燕趙，結客過臨淄。
山東諸侯國，迎送紛交馳。自爾馱遊俠，閉戶方垂帷。
深明戴家禮，頗學毛公詩。備知經濟道，高卧陶唐時。
聖主詔天下，賢人不得遺。公吏奉纁組，安車去茅茨。

君王蒼龍闕，九門十二達。群公朝謁罷，冠劍下丹墀。
野鶴終踉蹌，威鳳徒參差。或問理人術，但致還山詞。
天書降北闕，賜帛歸東菑。都門謝親故，行路日逶迤。
孤帆萬里外，渺漫將何之。江天海陵郡，雲日淮南祠。
杳冥滄洲上，蕩漭無人知。繡繭或賣藥，出處安能期。

送劉司直赴安西

絕域陽關道，胡煙與塞塵。三春時有雁，萬里少行人。
首領隨天馬，蒲桃逐漢臣。當今外國懼，不敢覓和親。

無意
之意

送別

聖代無隱者，英靈盡來歸。遂令東山客，不得預採薇。
既至君門遠，孰云吾道非。江淮渡寒食，京洛縫春衣。
置酒臨長道，同心與我違。行當浮桂棹，未幾拂荆扉。
遠樹帶行客，孤城當落暉。吾謀適不用，勿謂知音稀。

靈雲池送從弟

金盃緩酌清歌轉，畫舸輕移艷舞迴。自嘆鶻鴒臨水

別不同，鴻鴈向池來。

送趙都督赴代州

得青字

天官動將星，漢地柳條青。萬里鳴刁斗，三軍出井陘。
忘身辭鳳闕，報國取龍庭。豈學書生輩，窻間看一經。

臨高臺送黎拾遺

相送臨高臺，川原杳何極。日暮飛鳥還，行人去不息。

送方城常明府

遙思葭菼際，寥落楚人行。高鳥長淮水，平蕪故郢城。

使車聽雞乳縣鼓應雞鳴若凡州從事無嫌手板迎

平平寫
到盡

送李貞外賢郎

少年何處去負采上銅梁借問阿戎父知爲童子郎
魚牋請詩賦撞布衣裳意以扶襄病歸來幸可將

送梓州李使君

萬壑喬參天千山響杜鵑山中一半兩樹抄百重泉
漢女輸撞布巴人訟芋田文翁翻教授不敢倚先賢

送楊少府貶松州

明到衡山與洞庭若爲秋月聽猿聲愁看北渚三湘
客惡說南風五兩輕青草瘴時過夏口白頭浪裏出
湓城長沙不又留才子賈誼何須弔屈平

送張五諲歸宣城

五湖千萬里况復五湖西漁浦南陵郭人家春穀溪
欲歸江淼淼未到草凄凄百得憶想南陵鎮可宜猿
更啼

送友人南歸

萬里春鷹盡三江鴈亦稀
連天漢水廣孤客郢城歸
郎國稻苗秀楚人菰米肥
懸知倚門望遙識老萊衣

送賀遂負外甥

南國有歸舟荆門泝上流
蒼茫渡外雲水與昭丘
檣帶城烏去江連暮雨秋
猿聲不可聽莫待楚山秋

送楊長史赴果州

褒斜不容憶之子去何之
烏道一千里猿啼十二時

官橋祭酒客山水女郎祠
別後同明月君應聽子規

送張舍人佐江州同薛據

東帶趨承明守官唯謂者清
晨聽銀虬薄暮辭金馬
受辭未嘗嘉當御方知寡
清範何風流高文有風雅
忽佐江上州當自潯陽下
逆旅到三湘長途應百舍
香爐遠峯出石鏡澄湖瀉
重鳳杏成林陶潛菊盈把
范蠡常好之廬山我心也
送君思遠道欲以數行洒

送常大夫東京留守

人外遺世慮空端結遐心曾是巢許淺始知堯舜深
蒼生詎有物黃屋如喬林上德撫神運冲和穆衣襟
雲雷康迪難江海遂飛沉天工寄人英龍衣澹_襟君
臨名器苟不假保釐固其任素資貴方領清景照華
簪慷慨念王室從容獻官箴雲旗蔽三川畫角發龍
吟晨揚天漢聲夕卷大河陰窮人業已寧逆虜遺之
擒然後解金組拂衣東山岑給事黃門省秋光正沉沉
功名與身退老病隨年侵君子從相訪重玄其可尋

送邢桂州

鏡吹喧京口風波下洞庭赭圻將赤岸擊汰復揚舲
日落江湖白潮來天地青明珠歸合浦應逐使巨星
送宇文三赴河西充行軍司馬

橫吹雜繁竽邊風卷塞沙還聞田司馬更逐李輕車
蒲壘成秦地莎居屬漢家當令大戎國朝聘學昆耶

送別

山中相送罷日暮掩柴扉春草明年綠王孫歸不歸

今古斷腸
理不在多

資聖寺送其二

浮生信如寄，薄宦夫何有。來往本無歸，別離方此受。
柳也諳春餘，槐陰清夏首。不覓御溝上，街悲執杯酒。

送孫二

郊外誰相送，夫君道術親。書生鄒魯客，才子洛陽人。
祖席依寒草，行車起暮塵。山川何寂寞，長望淚沾巾。

送崔三往密州觀省

南陌去悠悠，東郊不少留。同懷扇枕戀，獨念倚門愁。
路遠天山雪，家臨海樹秋。魯連功未報，且莫蹈滄洲。

送沈子福江東

楊柳渡頭行客稀，吳師盡業向臨圻。唯有相思似春
色，江南江北送君歸。

送丘為落第歸江東

憐君不得意，況復柳條春。為客黃金盡，還家白髮新。
五湖三畝宅，萬里一歸人。知爾不亦能薦羞為獻納，臣

留別山中温古上人并示舍弟緡
解薛登天朝去師偶時哲豈唯山中人兼負松上月
宿昔同遊止致身雲霞未開軒臨潁陽卧視飛鳥没
好依盤石飯爨對瀑泉歇理齊少狎隱道勝寧外物
舍弟官崇高宗兄此削髮荆榛但洒掃乘閑當過拂

觀別者

青青楊柳陌陌上別離人愛子遊燕趙高堂有老親
不行無可養行去百憂新切切委兄弟依依向四鄰

都門帳飲畢從此謝賓親揮淚逐前侶含悽動征輪
車後望不見時時起行塵余亦辭家久省之淚滿巾

別弟緡後登青龍寺望藍田山

陌上新別離蒼茫四郊晦登高不見君故山復雲外
遠樹蔽行人長天隱秋塞心悲宦遊子何處飛征蓋

別朝川別業

依遲動車馬惆悵出松蘿忍別青山去其如淥水何

同前

山月曉仍在。林風涼不絕。慙慙如有情。惆悵令人別。

不勤容

別弟妹 二首

兩妹日成長。鬢髮將及人。已能持寶瑟。白解掩羅巾。
念昔別時小。未知踈尚親。今來始離恨。拭淚方慙慙。
小弟更孩幼。歸來未相識。同居雖漸慣。見人猶未克。
宛作越人語。殊甘水鄉食。別此東為難。淚尺有餘憶。
崔九弟欲往南山馬上口號與別

城隅一分手。幾日還相見。山中有桂花。莫待花如霰。

同前

裴迪

歸山深淺去。酒盡丘壑。奚莫李武陵。入暫遊桃源裏。

留別崔吳宗

駐馬欲分襟。清寒柳溝上。前山景氣佳。獨往還惆悵。

別蔡母潛

端笏明光宮。歷稔朝雲陛。詔看延閣書。高議平津邸。
適意輕偶人。虛心削煩札。盛得江左風。弥工建安體。

高張多絕絃截河有清汾巖木奕群木伊洛方清泚
渭水水下流潼關雪中啓荷篠幾時還塵纓侍君洗

新晴晚望

新晴原野曠極目無氛垢郭門臨渡頭村樹連溪口
白水明田外碧峯出山後農月無閑人傾家事南畝

漢江臨汎

楚塞三湘接荆門九派通江流天地外山色有無中
郡邑浮前浦波瀾動遠空襄陽好風日留醉與山翁

登辨覺寺

竹迳從初地蓮峯出化城窻中三楚盡林上九江平
敷草承趺坐長松響梵聲空居法雲外觀世得無生

涼州郊外遊望

野老才三戶邊村少四鄰婆娑依里社蕭鼓賽田神
洒酒澆芻狗焚香拜木人女巫紛屢舞羅襪自生塵

觀獵

風勁角弓鳴氣緊將軍獵渭城草枯鷹眼疾雪尽馬

蹄輕忽過新豐市還歸細柳營廻看射鵰處千里暮
雲平

遊感化寺

翡翠香烟合琉璃寶地平龍宮連棟宇虎穴傍簷楹
谷靜惟松響山深無鳥聲瓊峰當戶折金澗透林鳴
郢路雲端迥秦川雨外晴鴈王街果獻鹿女踏花行
若用札記
廢女件抖擻辭貧里歸依宿化城繞籬生野蕨空館
發山櫻香飯青菰米嘉蔬綠芋羹誓陪清梵末端坐

學無生

遊悟貞寺

聞道黃金地仍開白玉田擲山移巨石呪嶺出飛泉猛
虎同三徑愁猿學四禪買香燃綠桂乞火踏紅蓮草
色搖霞上松聲汎月邊山河窮百二世界滿三千梵宇
聊憑視王城逐渺然灞陵才出樹渭水欲連天遠縣
分諸一作郭孤村起白烟望雲思聖主披霧憶群賢
薄宦慚尸素終身擬尚玄誰知草庵客曾和栢梁篇

寒食城東卽事

清溪一道穿桃李演漾綠蒲涵白芷溪上人家凡幾
家落花共落東流水蹴踘屢過飛鳥上鞦韆競出垂
楊裡少年分日作遨遊不用清明兼上巳

春日上方卽事

好讀高僧傳時看辟穀方鳩形將刻杖龜殼用支床
柳色春山映梨花夕鳥藏北窻桃李下閑坐但焚香
晦日遊大理常卿城南別業四聲依次用

依明鑑元本抄補

與世淡無事自然江海人側聞塵外遊解弁託朱輪
極野昭喧景上天垂春雲張組共曲阜汎舟過東鄰
故鄉信高會牢醴及家臣一本作佳幸同擊壤樂心荷堯
爲君

郊居杜陵下永日同携手人里謁川陽平原見峰首
園廬鳴春鳩林薄媚新柳上卿始登席故老前爲壽
臨當遊南陂約略執杯酒車轍誑微官惆悵心自答

勝選

冬中餘雪在墟上春流駛風日暢懷抱山川好天氣
彫胡先豐酌一作晨炊庖膾亦雲一作後一作至高情浪海岳浮
生寄天地君子外簪纓埃塵良不啻所樂衡門中陶
然忘其貴

高館臨登波曠望一作然蕩心目淡蕩動雲天玲瓏映墟
曲鵲巢結空林雉雉響幽谷應接無閑暇徘徊以躑
躑紆組上春堤側弁倚喬木弦望忽已晦後期洲應綠

冬日遊覽

依明繙元本抄補

步出城東門試騁千里目青山橫蒼林赤日圍下字佳

平陸渭北走邯鄲關東出函谷秦地萬方會米朝九

州牧平寶悲壯古意雅辭樂府所少鷄鳴咸陽中冠蓋相追逐丞相過

列侯群公餞先祿相如方老病獨歸茂陵宿更侶不須語言

汎前波

秋空自明迥汎復遠人間暢以沙際鶴兼之雲外山
澄波淡將夕清月皓方閑此夜任孤棹夷猶殊未還

游李山人所居因題屋壁

世上皆如夢狂來或自歌問年松樹老有地竹林多
藥倩韓康賣門容向子過翻嫌枕上席無那白雲何
與蘇盧二員外期游方丈寺而蘇不至因有
是作

共仰頭陀行能忘世締情迴看雙鳳闌相去一牛鳴法
向空林說心隨寶地平手巾花氎淨香帔榴畦成同道
邀同舍相期宿化城安知不來往翻以得一本作得信無生

登河北城樓作

依明繡元本抄補

井邑傳一作傳巖上客亭雲霧間高城眺落日極浦
映蒼山岸火孤舟宿漁家夕鳥還寂寞天地暮心與
廣川關

登裴迪秀才小臺作

端居不出戶滿目望雲山落日鳥邊下秋原人外閑
遙知遠林際不見此簷間好客多乘月應門莫上關

須溪先生校本唐王右丞集卷第五

湏溪先生校本唐王右丞集卷第六


唐尚書右丞贈秘書監王維

曉行巴峽

際曉投巴峽。餘春憶帝京。晴江一水澆。自然朝日夾。
雞鳴水國舟中市。山橋樹抄行。登高方井出。眺迥二
流明。人作殊方語。鸞為舊國聲。賴諳山水趣。稍解別
離情。

出塞作

時為監察塞上作



居延城外獵天驕，白草連天野火燒。
暮雲空磧時驅遼，王靶角弓珠勒馬。
漢家將賜霍嫖姚。

自大散已往深林密竹，蹬道盤曲四五十里。
至黃牛嶺見黃花川。

危逕幾萬轉，數里將三休。
迴環見徒侶，隱映隔林丘。
颯颯松上雨，潏潏石中流。
靜言深溪裏，長嘯高山頭。
望見南山陽，白日靄悠悠。
青華麗已淨，綠樹鬱如浮。
曾是厭蒙密，曠然消人憂。

被出濟州

微官易得罪，謫去濟川陰。
執政方持法，明君無此心。
閭閻河潤上，井邑海雲深。
縱有歸來日，各愁年鬢侵。
休假還舊業，便使

謝病始告歸，依依入桑梓。
家人皆佇立，相候衡門裏。
時輩皆長年，成人舊童子。
上堂嘉慶畢，頽與姻親齒。
論舊忽餘悲，目存且相喜。
田園轉蕪沒，但有寒泉水。
衰柳日蕭條，秋光清邑里。
入門乍如客，休騎非便止。

中飯碩王程離憂從此始

早入滎陽界

汎舟入滎澤茲邑乃雒藩河曲閭閻隘川中煙火繁
因人見風俗入境聞方言秋田晚疇盛朝光市井喧
漁商波上客雞犬岸傍村前路白雲外孤帆安可論

寒食汜上作

廣武城邊逢暮春汶陽歸客淚沾巾落花寂寂啼山
鳥楊柳青青渡水人

宿鄭州

朝。與。周。人。辭。暮。投。鄭。人。宿。他。鄉。絕。儔。侶。孤。客。親。僮。僕。
宛。洛。望。不。見。秋。霖。晦。平。陸。田。父。草。際。歸。村。童。雨。中。牧。
士。入。東。臯。上。時。稼。遠。茅。屋。蟲。思。機。杼。鳴。雀。喧。禾。黍。熟。
明。當。渡。京。水。昨。晚。猶。金。谷。鷓鴣悲
關之情此去欲何言窮边拘

微一作祿

千塔主人

逆旅逢佳節征帆未可前窻臨汴河水門渡楚人船

難犬散堦落桑榆蔭遠田所居人不見枕蓆生雲烟

使至塞上

單車欲問邊屬國過居延征蓬出漢塞歸鴈入湖天
大漠孤煙直長河落日圓蕭關逢候吏都護在燕然
亦是不用一辭

渡河到清河作

汎舟大河裏積水窮天涯天波忽開拆郡邑千万家
行復見城市宛然有桑麻迴瞻舊鄉国淼漫連雲霞

苦熱

赤日滿天地火雲成山岳草木冬樵卷川澤皆竭涸
輕紈薺衣重樹密苦陰薄堯輩不可近締絡弄三濯
思出宇宙外曠然在寥廓長風万里來江海蕩煩濁
却願身為惠始知心未竟忽入甘露門宛然清涼樂

納涼

喬木方餘株清流貫其中前臨大川口豁達來長風
漣漪含白沙素鮪如遊空偃卧盤石上飈濤沃微躬

漱流復濯足前對釣魚翁貪餌凡幾許徒思蓮葉東

濟上四賢詠

崔錄事

解印歸田里賢哉此丈夫少季曾任俠晚節更為儒
遁世東山下因家滄海隅已聞能押鳥余欲共乘桴

成文章

宝劔千金裝登君白玉堂身為平原客家有邯鄲倡
使氣公卿座論心遊使場中季不得志謝病客遊梁

鄭霍二山人

翩翩繁華子多出金張門幸有先人業早蒙明主恩
童年且未學肉食鷺華軒豈乏中林士無人獻一作薦至
尊鄭公老泉石霍子安丘樊賣藥不二價著書盈萬
言息陰無惡木飲水必清源吾賤不及議斯人竟誰論

偶然作 六首

楚國有狂夫茫然無心想散髮不冠帶行歌南陌上
孔丘與之言仁義莫能契未嘗肯問天何事須擊壤

復笑採薇人胡為乃長往

田舍有老翁垂白衡門裏有時農爭開斗酒呼鄰里
喧聒茅簷下或坐或復起短榻不為薄園葵固足羨
動則長子孫不曾向城市

五帝與三王古來稱天子干戈將揖讓畢竟何者是
得意苟為樂野田安足鄙且當放懷去行行沒餘齒

天一作君
激作志

日夕見大行沉吟未能去問君何以然世網嬰我故

小妹日成長兄弟未有娶家貧祿既薄儲蓄非有素
幾回欲奮飛踟躕復相顧孫登長嘯臺松竹有餘處
相去詎幾許故人在中路愛染日已薄禪寂日已固
忽乎吾將行寧俟歲云暮

陶潛任天真其性頗耽酒自從棄官來家貧不能有
九月九日時菊花空滿手中心竊自思倘有人送否
白衣携壺觴果來遺老叟且喜得斟酌安閑外與斗

但可從
此止奮衣野田中今日嗟無負兀傲迷東西叢豈不

能守傾倒強行行酣歌歸五柳生事不曾問肯媿家

中婦

趙女彈箜篌復能邯鄲舞夫婿輕薄兒聞雜事齊主
黃金買歌笑用錢不復數許史相經過高門盈四牡
客舍有儒生昂藏出鄒魯讀書三十年腰下無尺組
被服聖人教一生自窮苦

老來嬾賦詩惟有老相隨宿世謬詞客前身應益師
不能捨餘習偶被世人知名字本皆是此心還不知

西施詠

艷色天下重西施寧久微朝為溪越女暮作吳宮妃
賤日豈殊衆貴來方悟稀邀人傳脂粉不自着羅衣
君寵益嬌態君憐無是非當時浣沙伴莫得同車歸
持謝隣家子數頰安可希

李陵詠

時李十九

漢家李將軍三代將門子結髮有奇策少季成壯士
長驅塞上兒深入單于里旌旗列相向蕭鼓悲何已

日暮沙漠陞戰聲煙塵裏將今驕虜滅豈獨名王侍
既失大軍援遂嬰危廬恥少小蒙漢恩何堪坐思此
深衷欲有報投軀未能死引領望子卿非君誰相理

鷲子龕禪師

山中燕子龕路劇羊腸惡裂地競盤屈挿天多峭嶮
瀑泉吼而噴怪石看欲落伯兩訪未知五丁愁不鑿
上人無生緣生長居紫閣六時自梵磬一飲尚帶索
種田燒白雲斫漆響丹壑行隨拾栗猿歸對巢松鶴

時許山神請偶逢洞仙博救世多慈悲即心無行作
周商倦積阻蜀物多淹油巖腹下旁穿澗畧時外拓
橋因倒樹架柵值垂簾縛鳥道悉已平龍宮爲之涸
跳波誰揭厲絕壁免捫摸山木日陰陰結跡歸舊林
一向石門裏任君春草深

息夫人

詩年二十

莫以今時寵能忘舊日恩
看花滿眼淚不共楚王言

班婕妤

三首

玉窻螢影度金殿人聲絕秋夜守羅帷孤燈耿明滅
宮殿生秋草君王恩幸疎那堪聞鳳吹門外度金輿
恹來粧閣閉朝下不相迎想向春園裏花間語笑聲

語皆不
刻而近

晚春閑思

新粧可憐色落日卷羅帷。氣清珍草墻陰上玉墀。
春蟲飛網戶暮雀隱花枝。向晚多愁思。閑處桃李時

羽林騎閨人

秋月臨高城。城中管絃思。離人堂上愁。稚子階前戲。
出門復映戶。望望青絲騎。行人過欲盡。狂夫終不至。
左右寂無言。相看共垂淚。

戲題示蕭氏外甥

伶爾解臨池。渠爺未學詩。老夫何足似。弊宅倘因之。
蘆笋空穿荷葉羨。花冒鴈兒初。不易勝。莫看外家欺。

冬夜書懷

冬宵寒且永。夜漏宮中發。草白霜繁木。裊澄清月。

麗服映顏顏朱燈照華髮漢家方尚少顧影慙朝謁

秋夜獨坐

獨坐悲双鬢
垂欲二更雨
中山果落灯
下草虫鳴
白髮終難變
黃金不可成
欲知除老病
唯有李無生

不遇詠

北闕獻書寢不報
南山種田時不登
百人會中身不預
五侯門前心不能
身投河朔飲君酒
家在茂陵平
客否且共登山復
臨水莫問春風動
楊柳今人作一作

人多自私我心不說君應知
濟人然後拂衣去肯作
徒爾一男兒

待儲光義不至

重門朝已啓
起坐听車声
要欲聞清佩
方將出戶迎
晚鍾鳴上苑
疎雨過春城
了自不相顧
臨堂復空情

聽宮鶯

春樹遶宮牆
春鶯轉曙光
忽驚啼聲斷
移處啼還長
隱葉棲承露
桃花出未央
遊人未應返
爲此思故鄉

聽百舌鳥

上蘭門外草萋萋未央宮中花裏猶亦有相隨過御苑不知若箇向金堤入春解作千般語拂曙能先百鳥啼萬力千門應竟曉建章何必听鳴雞

題友人雲母障子

時年十五

君家雲母障持向野庭開自有山泉入泚因彩昼來

賦得清如玉壺冰

京兆府試時年十九

戴水玉壺裏冰水類方諸未共銷丹日還同照綺疎

抱明中不隱含淨外疑虛氣似庭霜積光言砌月餘
曉凌飛鵲鏡宵映聚螢書若向夫君比清心尚不如

劇嘲史襄

清風細雨濕梅花驟馬先過碧玉家正值楚王宮裏
至門前初下七香車

紅牡丹

綠艷閑且靜紅衣淺復深花心愁欲斷春色豈知心

左掖梨花

閑灑堦邊草輕隨箔外風黃鸝弄不足銜入未央宮

同詠

丘爲

冷艷全欺雪餘香下入衣春風且莫定吹向玉階飛

同詠

皇甫冉

巧解迎人笑偏能亂蝶飛春風時入戶幾片落朝衣

早朝

二首

皎潔明星高蒼蒼遠天曙槐霧鬱不開城鴉鳴稍去
始聞高閣聲莫辨更衣裏銀燭已成行金門儼駟馭

柳暗百花明春深五鳳城城烏睥睨曉宮井轆轤聲

方朔金門侍班姬玉輦迎仍聞遣方士東海訪蓬瀛

菩提寺禁裴迪來相看說逆賊等凝碧池上

作音樂供奉人等舉聲便一時淚下私成口

號誦示裴迪

萬力傷心生野煙百官何日更朝天秋槐葉落空宮

裏凝碧池頭奏管絃

口號又示裴迪

安得捨塵網拂衣辭世喧悠然策藜杖歸向桃花源

春日直門下省早朝

駙省直明光雞鳴謁建章遙聞侍中珮閣識令君香
玉漏隨銅史天書拜文郎旌旗映闈闔歌吹滿朝陽
官舍梅初紫宮門柳欲黃願將遲日意同與駐恩長

愚公谷

青龍寺與黎昕戲題三首

愚谷與誰去唯將黎子同非須一處住不却兩心空
寧問春將夏誰論西復東不知吾與子若箇是愚公

愚^{一作吾}家愚谷裏此谷本來平雖則行無跡還能響應
聲不隨雲色暗只待日光明緣底名愚谷都由愚所成
借問愚公谷與君聊一彙不尋翻到谷此谷不離心
行處曾無險看時豈有深寄言塵世客何處欲歸臨

寓言

朱紱誰家子無乃金張孫驪駒從白馬出入銅龍門
問爾何功德多承明主恩聞雞平樂館射雉上林園
曲陌車騎盛高堂珠翠繁奈何軒冕貴不與布衣言

君家御溝上垂柳夾朱門
列鼎會中貴鳴珂朝至尊
生死在八議窮達由一言
須識苦寒士莫矜孤白溫

雜詩 五首

朝因折楊柳相見洛城隅
楚國無如妾秦家自有夫
對人傳玉腕映竹解羅襦
人見東方騎皆言夫婿殊
持謝金吾子煩君提玉壺

多少疑有誤

双燕初命子五桃初作花
王昌是東舍宋玉次西家
小小能織綺時時出浣沙
新榮使君問南陌駐香車

○家住孟津河門對孟津口
常有江南艇寄書家中

否 與時有文陽人皆黃解說

君自故鄉來應短故鄉事
來日綺窻前寒梅開花未
○已見寒梅發復聞啼鳥聲
心心視春草畏向階前

獻始興公 時拜右拾遺

寧棲野樹林寧飲澗水流
不用坐良肉崎嶇見王侯
鄙哉疋夫節布褐將白頭
任智誠則短守仁固其優
側聞大君子安問黨與讎
所不賣公器動為蒼生謀

賤子跪自陳可爲帳下不感激有公議曲私非所求

上張令公

珥筆趨丹陛垂璫上玉除步警青瑣闥方憶盈輪車
市閱千金字朝開五色書致君光帝典薦士滿公車
伏奏廻金駕橫金重石渠從茲罷前抵希復幸儲胥
天統知堯後玉章笑魯初匈奴遙俯伏漢相儼簪裾
賈生非不遇汲黯自堪踈學易思求我言詩或起子
嘗從大夫後何惜隸人餘

崔興宗寫真

畫君年少時如今君已老今時新識人知君舊時好

山茱萸

朱實山下開清香寒更發幸與蕘桂花牕前向秋月

涼州賽神

涼州城外少行人百尺峰頭望虜塵健兒擊鼓吹羌
笛共賽城東越騎神

哭殷遙

人生能幾何畢竟歸無形念君等為死萬事傷人情
慈母未及葬一女纔十齡泱泱寒郊外蕭條聞哭聲
浮雲為蒼茫飛鳥不能鳴行人何寂寞白日自淒清
憶昔君在時問我學無生勸君苦不早令君無所成
故人各有贈又不及平生負爾非一途痛哭返柴荆
送君返葬石樓山松柏蒼蒼賓馭還埋骨白雲長已
矣空餘流水向人間

哭孟浩然

時為殿中侍御史
知南選至襄陽作

依明繡元本鈔補

故人不可見漢水日東流借問襄陽老江山空蔡州

哭褚司馬

妄識昏心累浮生定死媒誰言老龍吉未免伯牛灾
故有求仙藥仍餘遁俗杯山川秋樹苦牕戶夜泉哀
尚憶青驪去寧知白馬來漢臣修史記莫殺楮生才

過沈居士山居哭之

楊朱來此哭桑扈返於真獨自成千古依然舊四鄰
閑簷喧鳥雀故榻滿埃塵曙月孤鷺轉空山五柳春

野花愁對客，泉水咽迎人。善卷明時隱，黔婁在日
貧。逝川嗟爾命，丘井嘆吾身。前後徒言隔，相悲詎幾
晨。

哭祖六自虛

時年十八

否極嘗聞泰，嗟君獨不然。憫凶絕稚齒，羸疾至中年。
餘力文章秀，生知禮樂全。翰留天帳覽，詞入帝宮傳。
國訐終軍少，人知賈誼賢。公卿盡虛左，朋識共推先。
不恨依窮轍，終期濟大川。才雄望羔雁，壽促背貂蟬。

依明繡元本鈔補

福善聞前錄，穢良昧上玄。何辜鍛鸞翮，何事與龍泉。
鵬起長沙賦，麟終曲阜篇。城中君道廣，海內我情偏。
乍失疑猶見，沉思悟絕緣。生前不忍別，死後向誰宣。
為此情難盡，彌令憶更纏。本家清渭曲，歸葬舊塋邊。
求去長安道，徒開京兆阡。旌車出郊甸，鄉國隱雲天。
定作無期別，寧同舊日旋。候門家屬苦，行路國人憐。
送客哀終進，征途哭復前。贈言為挽曲，奠席是離筵。
念昔同携手，風期不整捐。南山俱隱逸，東洛類神仙。

未省音容間那堪生死遷花時金谷飲月夜竹林眠
滿地傳都賦傾朝看樂舡群公咸屬目微物敢齊肩
謀合同人旨而將玉樹連不期先挂劍長恐後施鞭
為善吾無已知音子絕馬琴聲縱不沒終亦斷悲絃

歎白髮二首

我年一何長鬢髮日已白俛仰天地間能為幾時容
惆悵故山雲徘徊空日夕何事與時人東城復南陌
宿昔朱顏成暮齒須臾白髮變垂髻一生幾許傷心

依明繡元本鈔補

事不向空門何處銷

過秦皇墓

時年十五

古墓成蒼嶺幽宮象紫臺星辰七曜隔河漢九泉開
有海人寧渡無春鴈不迴更聞松韻切疑是大夫哀

故太子太師徐公挽歌四首

功德冠群英彌綸有大名軒皇用風后傳說是星精
就第優遺耆耋來朝詔不名留侯常辟穀何苦不長生
謀猷為相國翊贊奉乘輿劍履升前殿貂蟬託後車

齊侯疏土宇漢室賴圖書僻處留田宅仍纒十頃餘
舊里趨庭日新年置酒晨聞詩鸞渚客獻賦鳳樓人
北首辭明主東堂哭大臣猶思御朱輅不惜汗車茵
久踐中台座終登上將壇
斷車騎空憶盛衣冠
風日咸陽滌笳簫渭水寒無人當便關應罷太師官

故西河郡杜太守挽歌三首

天上去西征雲中護北平生擒白馬將連破黑鵬城
忽見芻靈善徒聞竹使榮空留尤氏傳誰繼卜商名

依明繡元本鈔補

返葬金符宇同歸石窆棲卷衣悲畫翟侍翼待鳴雞
容衛都人慘山川駟馬嘶猶聞隴上客相對哭征西
塗芻去國門祕器出東園太守留金印夫人罷錦軒
旌旄轉衰木簫鼓上寒原墳樹應西靡長思魏闕恩

故南陽夫人樊氏挽歌二首

錦衣餘翟轂繡轂罷魚軒淑女詩長在夫人法尚存
疑笳隨曉旆行哭向秋原歸去將何見誰能返戟門
石窆恩榮重金吾車騎盛將朝每贈言入室還相敬

疊鼓秋城動懸旌寒日暎不言長不歸環珮猶將聽

送奚侍郎夫人寇氏

二首一無
此下七首

束帶將朝日鳴環暎牖辰能令明諫主相勸識賢人
遺桂空留辟廼文日覆塵金蠶將畫柳何處更知春
女史悲彤管夫人罷錦軒卜瑩占二室行哭度千門
秋日光能淡寒川波自翻一朝成萬古松柏暗平原

恭懿太子挽歌

五首

何悟藏環早總知拜辭年神天王子去對日聖君怜

依明繡元本鈔補

樹轉宮猶出茹悲馬不前雖蒙絕駢道京兆別開阡
蘭殿新恩切椒宮夕臨幽白雲隨風管明月在龍樓
人向青山哭天臨渭水愁雞鳴常問膳今恨玉京留
騎吹凌霜發旌旗夾路陳禮容金節護冊命玉符新
傅母悲香襍君家雜畫輪射熊今夢帝稱象問何人
蒼舒留帝寵子晉有仙才五歲過人智三天使鶴催
心悲四祿館目斷望思臺若道長安近何爲更不來
西望昆池閣東瞻下杜平山朝豫章館樹轉鳳凰城

五校連旗色十門疊鼓聲金環如有駭還向畫堂生

須溪先生校本王右丞集卷第六終

